

四庫全書

經部

欽定四庫全書

呂氏家塾讀詩記卷十七

宋 呂祖謙 撰

正小雅

正大雅說附

鄭氏詩譜曰小雅大雅者周室居西都豐鎬之時詩

也

孔氏曰二雅正有文武成變有厲宣幽六王皆居鎬豐之地文王居豐武王居鎬太史公曰成王比

居洛邑定九鼎焉而周復都豐鎬魚藻叙云王居鎬京是幽王以上皆居鎬也世本云懿王徙於犬邱地理志云京兆槐里縣周曰犬邱懿王都之京兆郡故長安縣也皇甫懿云鎬在長安南二十里然則犬邱

與鵠相近有離宮在馬
懿王暫居之非遷都也

小雅自鹿鳴至於魚麗皆文

武時詩自南有嘉魚下及菁菁者莪周公成王之時

詩

孔氏曰六月序廣陳小雅之廢自華黍以上皆言缺
由唐以下不言缺明其詩異主也由唐在嘉魚前

不云自由由唐者據見在而言之華黍由唐本相連毛
氏分序置其篇端使華黍就上由唐退下則毛意亦
以由唐以下為成王之詩也不然亡詩六篇自可聚
在一處何須分之也南有嘉魚云太平蓼蕭云澤及
四海紫武王伐紂未幾而崩不得有天下太
平澤及四海之事語其時事為成王明矣

大雅自

文王至文王有聲皆文武時詩自生民下及卷阿皆

周公成王之時詩小雅十六篇大雅十八篇為正經

釋文曰從鹿鳴至菁菁者莪凡二十二篇皆正小雅六篇亡今唯十六篇孔氏曰凡書非正經者謂之傳未知此傳在何書也

程氏曰自鹿鳴以下二十二篇各賦

其事而用之其周公之為乎與二南同也

朱氏曰其說自鹿鳴

至魚麗文武之世燕勞樂歌之辭周公所刪定也南陔至菁菁者莪周公相成王所制之樂歌也蓋國之常政每事為詩以寫其至誠和樂而被之音聲舉是事則奏是詩焉孔氏曰變者雖亦播於樂或無筭之節所用或隨事類而歌又在制禮之後樂不常用

按楚辭屈原離騷謂之經自宋玉九辯以下皆謂之傳以此例攷之鹿鳴以下小雅之經也六月以

下小雅之傳也文王以下大雅之經也民勞以下大雅之傳也孔氏謂凡書非正經者謂之傳善矣又謂未知此傳在何書則非也

鹿鳴之什

孔氏曰五人謂之伍十人謂之什故左傳曰以什共車必克然則什伍部別聚居之名風及商魯頌以當國為別詩少可以同卷而雅頌篇數既多故分其篇每十為卷

又曰樂師注云徹者歌雍雍在周頌臣工之什言雍篇在臣工之什中是卷首之篇

爲什長以統
餘篇之目也

鹿鳴燕羣臣嘉賓也既飲

反於鵠

食

音嗣

之又實幣帛筐篚

音匪以將其厚意然後忠臣嘉賓得盡其心矣

孔氏曰燕禮於客之

內立一人爲賓使宰夫爲主與之對行禮其實君設酒
觀羣臣皆在君爲之主羣臣總爲賓也飲有酬賓送酒
之幣食有侑賓勸飽之幣公食大夫禮賓三飯之後云
公受宰夫束帛以侑聘禮云致饗以酬幣明親饗有酬
幣矣朱氏曰於朝曰君臣焉於燕曰賓主焉先王以
禮使臣之序也蓋亦有諸侯之使焉矣程氏曰羣臣
在位者也嘉賓聘而未受祿者也蘇氏曰言賓者若
朝廷無賓猶當於燕飲立賓漢光武能友嚴光古必有
之禮云仕而未有祿君有饋焉曰獻使焉曰寡君此
亦不純臣之道也不直曰君而曰寡君賓客之辭也

學記大學始教皮弁祭菜示敬道也宵雅肄三官其

始也

鄭氏曰宵之言小也肄習也習小雅之三謂鹿鳴四牡皇皇者華也此皆君臣宴樂相勞苦之

詩

董氏曰古者宵小同故謂小人為宵小

呦

音幽

呦鹿鳴食野之苹

音平

我有嘉賓鼓瑟吹笙吹笙鼓

簧

音黃

承筐是將人之好

呼報反

我示我周行

毛氏曰興也

程氏曰呦呦和聲也

鄭氏曰苹蘩

蕭

孔氏曰郭璞云今蘩蒿也初生亦可食陸璣云葉青白色莖似箸而輕肥始生香可生食又可熟食

董氏曰鼓瑟吹笙蓋燕樂也

燕禮工四人二瑟小臣坐授瑟乃降左

瑟一人拜授爵筮入立于縣中
衆筮不拜受爵降坐祭立卒爵

毛氏曰簀筮也吹筮

而鼓簀矣

孔氏曰吹筮之時鼓其筮中之簀以樂之

筐筐屬所以行幣帛

也

書武成曰筐厥玄黃

程氏曰承以藉之筐以貯之 朱氏曰

將行也 毛氏曰行道也

朱氏曰周行大道也 董氏曰古者行與鄉同聲

程氏曰鹿食則相呼故以興燕樂和聲相呼共食

野之革物情相樂也君臣賓主相樂如此

毛氏曰鹿得草呦呦

然鳴而相呼懇誠發乎中 孔氏曰禮有饗燕之道公法不得不設忠誠嘉樂實為至少故取懇誠以為

喻

蘇氏曰王肅曰羣臣嘉賓飲食以享之琴瑟以

樂之幣帛以將之則庶乎好愛我而示我以道矣

孔氏曰燕

禮注云鹿鳴者君與臣工及四方之賓燕講道脩德之樂歌也鄉射記曰古者於旅也語注云禮成樂備乃可以言語先王禮樂之道疾今人言語無節

緇衣子曰私惠不歸德君

子不自留焉詩云人之好我示我周行

鄭氏曰私惠不以公禮相

慶賀時以小物相問遺也言其物不可以為德則君子不以身留此人也相惠以藝瀆邪辟之物是為不歸於德行道也言示我以忠信之道
朱氏曰蓋所求於羣臣嘉賓者如此夫如是是以君臣上下誠意交孚而莫不一出於正所以和樂而不流也

呦呦鹿鳴食野之蒿

呼毛反

我有嘉賓德音孔昭視

音示民

不忮

他彫反

君子是則是倣

胡教反

我有旨酒嘉賓式燕以

教

毛氏曰蒿藪

去刃反

也

孔氏孫炎云荆楚湘之間謂蒿藪郭璞曰今人呼為青蒿

鄭氏曰孔甚昭明也視古示字也

孔氏曰古之字以目視物以物

示人同作視字後世作字目視物為示傍見示人物作單示字由是經傳之中視與示字多相離亂

毛氏曰忮愉也

孔氏曰愉音吏說文訓為薄也示民不愉薄也朱氏曰忮愉薄也是

則是倣言可法倣也教遊也程氏曰此章又言

所燕禮嘉賓問望昭明示民以厚之意使儀法之

朱氏曰言嘉賓之德足以示民使不愉薄而君子所當則微也長樂劉氏曰燕禮有親疎之義有尊卑之別有長少之序有內外之分有賓主之位人倫之道莫有不協而我有嘉賓踐其禮安其樂誠信感於人心故聞者見者靡不孚而化之不曰德音孔昭視民不忮乎觀其禮而知則且微者不亦君子乎

范氏曰式燕以教言其禮之從容也夫莊而不至於矜和而不至於流此其德之純也

呦呦鹿鳴食野之芩

其今反

我有嘉賓鼓瑟鼓琴鼓瑟鼓

琴和樂

音洛

且湛

都南反

我有旨酒以燕樂嘉賓之心

毛氏曰芩草也

陸璣草木疏曰莖如釵股葉如竹葉生澤中下地鹹處牛馬喜食之

湛

樂之久也燕安也 范氏曰非止養其體娛其外而

已所以樂其心也 程氏曰此章言其樂之長久無

數 毛氏曰夫不能致其樂則不能得其志不能得

其志則嘉賓不能竭其力

范氏曰食之以禮樂之以樂將之以賓求之以誠此

則所以得其心也賢者豈以飲食幣帛為悅哉夫昏
姻不脩則貞女不行也禮樂不備則賢者不處也賢
者不處則豈得
樂而盡其心乎

鹿鳴三章章八句

四牡

茂后反

勞

力報反

使

所吏反

臣之來也有功而見知則說

音矣

程氏曰四牡之義閑行人之勤勞故云有功而見知則悅矣上不知下之勞則下不自盡其力故四

牡之義廢則君臣缺矣

四牡駢駢

反芳非

周道倭

反於危

遲豈不懷歸王事靡盬

音古

我心傷悲

鄭氏曰駢駢行不止之貌

少儀曰車馬之容駢駢翼翼

周道岐周

之道也倭遲歷遠之貌

孔氏曰歷此長遠之路程氏曰倭遲回遠也

鹽不

堅固也

董氏曰說文煮海為鹽煮池為鹽故安邑之出為鹽鹽苦而易敗故傳以不堅訓之

朱氏曰駕此四牡而出使於外其道道路之回遠如此

當是時豈不思歸乎特以王事不可以不堅固不敢

徇私而廢公是以內顧而傷悲也 毛氏曰思歸者

私恩也靡盬者公義也傷悲者情思也無私恩非孝

子也無公義非忠臣也君子不以私害公不以家事

辭王事

孔氏曰傷悲出自其情故曰情思情思即私恩正謂念憶父母集注及定本皆無箋云兩

字而今官本無私恩上有箋云字

范氏曰臣之事上也必先公而

後私君之勞臣也必先恩而後義 釋文曰倭遲韓

詩作倭夷

前漢地理志右扶風郁夷注詩周道郁夷

周道或以為通途或以為大路蓋疑文王遣使所
之者非一國不止於周之境内故為是說抑不知
使臣初發蓋自周道以往故以周道言之況止小
雅實兼文武之治由武王之時論之則溥天之下
莫非周道矣

四牡騤騤

他丹反

嘽嘽

音洛

馬豈不懷歸王事靡盬不遑

啓處

毛氏曰嘽嘽喘息之貌馬勞則喘息白馬黑鬣曰駱

山陰陸氏曰今之路馬最耐勞苦李氏曰遑暇啟

夫以耐勞苦之馬今則喘息則其勞可知矣

跪也小雅注云小踞

處居也

范氏曰言其馬勞則人可知

矣李氏曰不遑啓處之意為不暇居處之義

翩翩

音篇

者離

音住

載飛載下集于苞栩

況音反

王事靡盬不

遑將父

朱氏曰興也翩翩飛貌毛氏曰離夫不也

沈氏曰李巡云

夫不一名離春秋傳云祝鳩氏司徒祝鳩離也郭璞云今鸛鳴也朱氏曰或曰離俗字也當作佳凡鳥

之短尾皆佳屬

苞栩解見鵲羽

毛氏曰將養也

程氏

曰離翩翩或飛或下集於所安之處以興使臣之勤

勞乃不暇遂其私至不得將其父

朱氏曰今使臣勤勞於外乃不遑養

其父則離之不如也

范氏曰忠臣孝子之行役未嘗不念其

親君之使臣豈待其勞苦而自傷哉亦憂其憂如已

而已矣此聖人所以感人心也

翩翩者離載飛載止集于苞杞

音起

王事靡盬不遑將母

毛氏曰杞檻

音計也

駕彼四駟載驟

助救反

駸駸

楚金反

豈不懷歸是用作歌將

母來諭

音審

毛氏曰駸駸駢貌

說文曰駢馬疾步也駸馬行疾也

鄭氏曰諭告

也君勞使臣述叙其情女曰我豈不思歸乎誠思歸也故作此詩之歌以養父母之志來告於君也孔

氏曰臣有勞苦患上不知今君勞使臣言汝曰豈不

思歸作歌來告是探情以勞之

朱氏曰非使臣作是歌也說言其情以勞

之尔夫使臣將命以賦政于四方乃其戕分之所當然而先王之意殷勤惻怛惟恐勞之不至乃為之探其情意之所不能已而未敢言者於其燕勞而詠歌之孔子曰體羣臣則士之報禮重於此其見之矣

鄭氏曰獨言將母承四章之文也

孔氏曰母以養少則恩意偏多

故再言之 王氏曰母恃子以養甚於父 父至尊也母至親也如母之親則知父之尊矣知父之尊則知君之重矣卒章及母而不乃父本其恩所起以教愛也愛母則教人矣敬父則尊君矣未有愛親而不愛其君者也

四牡五章章五句

皇皇者華君遣使

所史反

臣也送之以禮樂言遠而有光

華也

朱氏曰送之以禮樂歌是詩以遣之也 臣之出使當光顯其君常不辱命於彼

孔氏曰程氏曰

天子遣使四方以觀省風俗采察善惡訪問疾苦宣道化於天下國蒙被聲教是以光華 陳氏曰人君出

彼臣於千里之外苟無以發其
歡忻之誠心則臣下意氣衰落

孔氏之說作詩之意也程氏之說用詩之意也作
是詩以遣使臣在文王時至於周公制禮作樂之
後凡遣使臣無不用是詩以遣之也二家之說雖
有廣狹其義一也

皇皇者華于彼原隰駢

所巾反

駢征夫每懷靡及

朱氏曰興也

毛氏曰皇皇猶煌煌也

孔氏曰華

草木之華也

毛氏曰高平曰原下濕曰隰駢駢衆

多之貌征夫行人也

鄭氏曰衆行夫孔氏曰使與上介衆介程氏曰征夫使人

馳騁俊健之狀也

朱氏曰懷思也

程氏曰皇華之光明

于野猶王澤之流布光華天下也故以為興

歐陽氏曰首章

稱美其賢材能將君命為國光華於外

歐陽氏曰於原隰者其道所

經也程氏曰惟慮不能宣達是每懷靡及也

朱氏曰惟

恐不能宣上之德而達下情也歐陽氏曰於事每思唯恐不及也

朱氏曰此詩若以

戒夫使臣者而託於其自道之辭以發之詩之忠厚

如此

我馬維駒

音俱

六轡如濡

如朱反

載馳載驅周爰咨諏

子須反

長樂劉氏曰駒馬之嫩而壯者駒騏駼駟皆駟之良

選所以貢使臣之行也 六轡解見駟賦 鄭氏曰

如濡言鮮澤也 毛氏曰忠信為周

魯語曰忠信為周注云言當詰

之於忠信之人

鄭氏曰爰於也 毛氏曰訪問於善為咨

出左傳

程氏曰諏謀度詢前載雖各有義要之詢訪

耳採察求訪使臣之大務

歐陽氏曰周詳訪問以博採廣聞不徒將一事而出

也 李氏曰周者周徧其所而詢問之 朱氏曰使臣自以每懷靡及故廣詢博訪以補其不及而盡其

職也范氏曰王者遣使於四方教之以咨誨善道將以廣聰明也夫臣欲助其君之德必求賢以自助故臣能從善則可以善君矣臣能聽諫則可以諫君矣未有不自治而能正君者也國語曰

叔孫穆子聘於晉晉悼公饗之樂及鹿鳴之三而後

拜樂三晉侯使行人問焉對曰今伶簫詠歌及鹿鳴

之三

章昭曰伶人樂官也簫樂器編管為之言樂人以簫作此三篇之聲與歌者相應也

君之

所以貺使臣臣敢不拜貺夫鹿鳴君之所以嘉先君之好也敢不拜嘉四牡君之所以章使臣之勤也敢不拜章皇皇者華君教使臣曰每懷靡及諏謀度詢

必咨於周敢不拜教

陳氏曰穆叔言咨事為諏咨難為謀咨禮為度咨親為詢彼蓋敷衍

文詞經音
不在是也

諏謀度詢必咨於周而詩文乃云周爰咨諏者古

語多倒也歐陽氏諸說詩中亦兼有此意然毛傳

乃經之本旨也

我馬維騏

音其

六轡如絲載馳載驅周爰咨謀

騏解見小戎

毛氏曰如絲言調忍也

我馬維駉六轡沃

鳥毒反

若載馳載驅周爰咨度

待洛反

駱解見四牡 朱氏曰沃若猶如濡也

我馬維駒

音因

六轡既均載馳載驅周爰咨詢

音荀

毛氏曰陰白雜毛曰駒

詳解見駒

均調也

歐陽氏曰諏

謀度詢但變文以叶韻爾詩家若此之類甚多

皇皇者華五章章四句

常棣

天卦反

燕兄弟也閔管蔡之失道故作常棣焉

鄭氏曰周

公弔二叔之不咸而使兄弟之恩疏召穆公為作此詩而歌之以親人 孔氏曰左傳云王將以狄伐鄭富辰諫曰昔周公弔二叔之不咸故封建親戚以藩屏周召穆公思周德之不類故糾合宗族於成周而作詩曰常

棟之華鄂不韡韡凡今之人莫如兄弟周之有懿德如是猶曰莫如兄弟故封建之其懷柔天下也猶懼有外侮擇禦侮者莫如親親故以親屏周召穆公亦云是周公弔二叔之不成召穆公作詩之事也外傳云周文公之詩曰兄弟鬩于牆外禦其侮則此詩自是周公所作也但召穆公虎見厲王之時兄弟恩疏重歌此周公所作之詩以親之耳故鄭氏答趙商云凡賦詩者或造篇或誦古董氏曰韓詩叙夫移燕兄弟也閔管蔡之失道也豈與

毛氏合

朱氏曰舊說以鹿鳴以下至魚麗為文武燕勞之樂歌而此詩之叙又以為閔管蔡之失道而作者何也曰文武之際固有燕兄弟之詩矣周公以管蔡之為

亂也故制作之際更為是詩委曲致意以申兄弟之
好蓋燕兄弟者文武之政而閔管蔡者周公之心也
夫燕兄弟之詩當極其和樂以篤兄弟之好而此詩
專言死喪急難之事其志切其詞哀蓋處兄弟之變
孟子所謂其兄闕弓而射之則已垂涕泣而道之之
義也文武燕兄弟之詩雖不可見然意其詞意和平
必異於此故叙者以閔管蔡之失道發之 程氏曰
此詩句少而章多章多所以極其鄭重句少則各陳

一義故也

常棣之華鄂

反五各

不韡韡

反韋鬼

凡今之人莫如兄弟

毛氏曰興也常棣棣也鄂猶鄂鄂然言外發也孔

氏曰王肅云不韡韡言韡韡也毛氏曰韡韡光明

也

孔氏曰郭璞云今闕西有棣樹子如櫻桃可食是也此與唐棣異木故尔雅別釋毛傳以為常棣之

木衆華俱發實韡韡而光明以興兄弟衆多而相和睦豈不强盛而有光輝乎鄭氏曰承華者鄂不當

作拊拊鄂足也鄂足得華之光明則韡韡然盛興者喻弟以敬事兄兄以榮覆弟恩義之顯亦韡韡孔

氏曰鄭氏以為常棣華以覆鄂鄂以承華華鄂相覆而光明猶兄弟相順而榮顯政陽氏曰不韡韡者

解解也古詩之語如此者多何煩改字為拊蓋已言
鄂則足見相承之意矣程氏曰常棣今所謂玉李
花鄂相承甚力故以興兄弟王氏曰華鄂之相恃
不可須臾離者以天屬故也兄弟天屬也其相承覆
相恃而不可離如此程氏曰常棣華衆多
而相附同枝而有上下之序故以興兄弟程氏

曰鄂不韡韡鮮華壯盛之貌不作拊亦可如字亦
可以花萼相依生相親力相承興人之莫如兄弟也

范氏曰凡今之人言舉世之人也莫如兄弟親之

至也

毛氏曰間常棣之言為今也鄭氏曰間常棣之言始間常棣華鄂之說也如此則人之恩親

無如兄弟之最厚

說文鄂作萼

董氏曰謝靈運亦作萼

常棣之華鄂不韡韡諸家文義雖小不同然詩中皆包此意學者所當徧察熟味也

死喪之威兄弟孔懷原隰裒

薄侯反

矣兄弟求矣

毛氏曰威畏也懷思也裒聚也求矣言求兄弟也

鄭氏曰死喪可畏怖之事維兄弟之親甚相思念

程氏曰此章叙兄弟相賴之事人當死生患難之可

畏則思兄弟之助方困窮離散羣聚於郊野之時則

求所親以相依恃

王氏曰不得保其常居而裒於原隰之中此與人同患難之時也當

是時人各顧其親則非兄弟執肯以相求也

疎其所親而親其所疎此失其本心者也故此詩反覆言朋友之不如兄弟蓋示之以親疎之分使之反循其本也本心既得則由親及疎秩然有叙兄弟之親既篤而朋友之義亦敦矣初非薄於朋友也苟雜施而不孫雖曰厚於朋友如無源之水朝滿夕除胡可保哉或曰人之在難朋友亦可以坐視歟曰每有良朋況也永嘆則非不憂憫但視

兄弟急難為有差等耳詩人之辭容有抑揚然常

棣周公作也聖人之言小大高下皆宜而前後左

右不相悖

脊

井並反

令

音零

在原兄弟急難每有良朋況也永嘆

吐丹反

毛氏曰春令難渠也飛則鳴行則搖不能自舍耳

孔氏曰陸

璣草木疏曰春令大如鷦省長脚長尾尖喙背上青灰色腹下白頸下黑如連錢飛則鳴行則搖動其身不

舍能自

急難言兄弟之相救於急難

鄭氏曰每有雖

也良善也毛氏曰況茲也

蘇氏曰甚也

永長也

程氏

曰此章言兄弟相須之急猶春令首尾相應急難之際其相應如是也

丘氏曰春令飛則鳴行則振不少自止猶兄弟有在急難中其心亦

不少自止

鄭氏曰當急難之時雖有善友來茲對

之長嘆而已

朱氏曰當此之時雖有良朋不過為之長嘆息而已力或不能相及也蘇氏

曰人之急難相救不舍斯須如春令者唯兄弟也雖有良朋其甚者不過為之長嘆息而已小人好以親為怨而樂從其疎故此詩每以告之范氏曰兄弟無不相死之義故朋友之於患難義有不得相救也則況也永嘆而已王氏曰古者朋友之喪則視兄弟視兄弟則急難冠雖何為而不豫曰莫不有君而為之臣莫不有父而為之子莫不有師而為之弟子莫不有兄弟而為之兄弟則吾急難冠雖之所當致

力也博矣又推而致之朋友則吾有所不暇而無禮
以節之則吾之憂無窮而人之責無已蓋古之道如
此而後世之士猶有以恩望朋友而至於離絕者矣
然則世之致力於朋友者非歟曰勢足以振之力足
以周之而無傷於義則鄰里鄉黨
不可以不勉也而況於朋友乎
董氏曰集注作

鵲鵲爾雅作鵲鵲左氏與爾雅同

兄弟閱

許歷反

于墻

左良反

外禦

魚呂反

其務

如字

每有良朋

之承反

也無戎

毛氏曰閱狠也

爾雅曰閱狠也

鄭氏曰禦禁務侮也兄弟

雖內閱而外禦也

朱氏曰烝發語聲

毛氏曰烝項鄭氏曰

久也古聲填實塵同釋文曰爾雅填依字音田與實同又依古聲音塵塵久也

毛氏曰

戎相也

朱氏曰戎助也

范氏曰兄弟內闕而猶外禦不敗

親也外禦則他人不與故雖朋友猶無相也

孔氏曰它人使

侮之時雖有善友終無相助之事唯兄弟相助耳左傳富辰云詩曰兄弟鬩于牆外禦其侮如是則兄弟雖有小忿不廢懿親國語富辰諫襄王曰古人有言曰兄弟讒間侮人百里注云鬩狠也兄弟雖以讒言和違狠猶禁禦他人

毛氏曰狠于內非令兄

弟也然及其禦侮則雖每有良朋曾不如不令兄弟之為可恃也朱氏曰此章正為管蔡啟商之事而

發以明兄弟恩情之篤也呂與叔解閱為窺伺謂冠
至而兄弟同力以相死也此意亦甚美矣然以文義
及一篇之全相觀之則未安也蓋此詩首章略言至
親莫如兄弟之意次章乃以意外不測之事言之以
明兄弟之情其切如此三章但言急難則淺於死喪
矣至於此章則又以其情義之甚薄而猶有所不能
已者言之其叙若曰死喪不能相救急難猶相助又
不幸而至於或有小怨猶當共禦外侮其所以責之

者可謂益輕以約而所以著夫兄弟之義者益深且切矣至於又不能然乃或無事而相忘則兄弟真為路人矣故下章始深責之然其詞氣和平怨而不怒讀者猶或以是為當然而未之悟也其後兩章乃始極道兄弟至親雖有違豆室家之樂然非兄弟則無與同之以備見兄弟之恩異形同氣死生苦樂無適而不相須之意卒章又申告之使之反覆窮極驗其信然可謂委曲漸次說盡人情矣然其詞意高深初

若簡質闊疏而不切於事者故說者有所不察又以
小怨為嫌而曲其說以避之於是一篇之意無復統
紀而失聖人之意遠矣

喪亂既平既安且寧雖有兄弟不如友生

陳氏曰兄弟之急難相求如此及其既安寧也乃謂
兄弟不如友生可乎 歐陽氏曰此乃責之之辭

程氏曰言平時則皆可遂其私意急難則莫如兄弟

也

蘇氏曰入居平安之世不知兄弟之可恃而以至
親相責望則兄弟常多過失易以生怨故有以朋

友為賢於兄弟者 王氏曰友生約我以禮義者也
雖有兄弟不如友生有禮義然後無失其愛兄弟之
常心友生約其外妻子調其內則兄弟加親矣
故曰妻子好合如鼓瑟琴兄弟既翕和樂且湛

王氏之說雖非經旨亦學者所當知也

儻

賓 廣反

爾籩豆飲酒之飫

於 應反

兄弟既具和樂

音 洛

且孺

如 具反

毛氏曰儻陳也

蘇氏曰飲饗也

王氏曰兄弟無

故則既具矣

程氏曰孺親慕之義小兒親慕父母

謂之孺子

爾雅曰孺屬也李巡曰孺骨肉相親屬也

此章勸其相燕樂養恩

義陳爾邊豆飲樂飫足兄弟既皆來當和樂而相親

慕也

妻子好

呼報反

合如鼓瑟琴兄弟既翕

許急反

和樂且湛

答南

反

鄭氏曰如鼓瑟琴之聲相應和也

董氏曰鼓宮宮動
鼓角角應琴瑟尚

宮其合也
無間矣

毛氏曰翕合也

程氏曰此章言兄弟

相樂則其妻子好合其和如琴瑟兄弟既志意翕合

故以其和樂久而不厭

朱氏曰言妻子好合如琴瑟
之和而兄弟有不合焉則無

以久其樂矣 李氏曰兄弟既翕必先於妻子者顏
之推常曰方其幼也父母左提右挈前襟後裾食則
同按衣則同服學則連業遊則共方雖有悖亂之人
不能不相愛也及其壯也各妻其妻各子其子雖有
萬厚之人不能不少衰也蓋其兄弟之所以非爭者
未必不本於此既不能數兄弟之愛則雖家室妻帑
必不能樂之故必妻子好合
然後可以和樂於兄弟也

宜爾室家樂爾妻帑

依字吐蕩反經典通為妻帑字今讀音奴

是究是圖亶

都但反

其然乎

毛氏曰帑子也

董氏曰訓釋無以帑訓子者特假為帑者賈公彥於司厲引詩曰樂女要

奴奴即子蓋唐人猶作奴字

范氏曰究窮也

毛氏曰圖謀也

亶信也 程氏曰言能如是親睦其親族則能宜其

室家樂其妻帑窮究是理圖念是事信其然乎言信

然 孔氏曰宗族同心人無侵侮然後宜汝之室家保
樂汝之妻子矣族人不和怨聞自起外見侵侮內

不相敦則不能保其大小室家危焉汝於是深思之
於是善謀之信其然者否乎 蘇氏曰小人思慮不

能久遠常以為兄弟之於我無所損益不知兄弟之
相親亦所以宜其室家而樂其妻帑者患其淺陋而

不信故使之深思而
遠圖之以信其然

告人以兄弟之當親未有不以為然者也然非是

究是圖實從事於此則亦未有誠知其然者也不

誠知其然則所知者特其名而已矣凡學蓋莫不
然

常棣八章章四句

伐木燕朋友故舊也自天子至于庶人未有不須友以

成者親親以睦友賢不棄不遺故舊則民德歸厚矣

氏乳

曰朋是同門之稱友是同志之名故舊即昔日之朋友也朋友新故通名故舊唯施友造舊則不可更擇新交則非賢不友故變朋友曰友賢也親親以睦指上常棣燕兄弟也友賢不棄不遺故舊即此篇是也

伐木丁丁

陟耕反

鳥鳴嚶嚶

於耕反

出自幽谷遷于喬

其嶠反

木嚶其鳴矣求其友聲相

反 息亮

彼鳥矣猶求友聲矧伊

人矣不求友生神之聽之終和且平

毛氏曰興也丁丁伐木聲也

劉氏曰聲相應也

朱氏曰嚶

嚶鳥聲之和也

郭璞曰嚶嚶兩鳥鳴

鄭氏曰幽谷深谷也遷

徙也

毛氏曰喬高也

鄭氏曰相視也

毛氏曰

矧況也

張氏曰神之聽之終和且平此為求友生

程氏曰和謂相好平謂不變

什方張氏曰詩人

多相因之詞如伐木而感鳥鳴蓋因此以興焉者也

故下章皆以伐木言之 程氏曰山中伐木非一人
能獨為必與同志者共之既同其事則相和好成朋
友之義伐木之人必有此義況士君子乎故賦伐木
之人叙其情推其義以勸朋友之道燕朋友故舊則
歌之所以風天下朋友故舊篤則民德厚矣繼言鳥
鳴嚶嚶又以物情言朋友之好嚶嚶相應和之和聲
鳥聲相應和合出谷升喬木相追隨嚶然其鳴蓋求
其應友殺鳥應聲猶人之朋友相從也視鳥如是豈

人可不求友乎朋友之信恒久不渝可質於神明

董氏

曰伐木者其聲丁丁然空谷響應出於自然而朋友故舊氣類之相從亦如此也

蘇氏曰鳥之甚小而

須友者伐木也物之無知而不能離羣者鳥也鳥出於谷而升於木以木為安而不獨有也故嚶然而鳥以求其友況於事之大於伐木而人之有知也哉陳氏曰詩人聞伐木於山者其聲丁丁然相應入聞鳥鳴於山間嚶嚶然和好相隨出於壑谷而遷於喬木聽其和好之聲則是以類相求因起興而曰相視彼鳥猶如此人其可不如乎故以取友之心誓之於神

神

范氏曰質諸鬼神而無疑亦可以為不欺矣

興之兼賦比者也

伐木許許

呼古反

嘯

所宜反

酒有藇

音叙

既有肥羜

直呂反

以速

諸父寧適不來微我弗顧於

音烏梁酒

所懈反

埽

素報反

陳饋

其位反

八簋既有肥牡以逮諸舅寧適不來微我有咎

毛氏曰許許柿

孚廢反

貌

孔氏曰伐之為聲而有柿也程氏曰許許衆人共力之

狀

以筐曰醜以藪曰滑

孔氏曰筐竹器也藪草也醜酒者或用筐或用草於今猶然

萸美貌豸未成羊也

爾雅注云今俗呼五月羔為豸

鄭氏曰逮召

也朱氏曰諸父朋友之同姓而尊者也諸舅朋友

之異姓而尊者也

毛氏曰天子謂同姓諸侯諸侯謂同姓大夫皆曰父異姓則稱舅國

君友其賢臣大夫士友其宗族之仁者孔氏曰稱之以父與舅親親之辭也親禮說天子呼諸侯之義

曰同姓大國則曰伯父其異姓則曰伯舅同姓小國則曰叔父異姓則曰叔舅是天子稱諸侯也左傳隱公謂臧僖伯曰叔父有憾於寡人鄭厲公謂原繁曰顧與伯父圖之禮記衛孔悝之鼎銘云公曰叔舅是諸侯稱大夫父男之文也

鄭氏曰寧適不來寧召之適自不來

也

朱氏曰寧使其適然而不來

毛氏曰微無也

朱氏曰顧念

也於嘆辭

毛氏曰粲鮮明貌

孔氏曰粲然埽洒

其室庭陳飲食之饋

毛氏曰天子八簋

孔氏曰簋盛黍稷之

器也周官掌客職五等諸侯簋皆十二此天子云八

簋者據待族人飲食之禮長樂劉氏曰八簋則適

豆倍之天子燕禮之數也

孔氏曰肥壯肥矜之壯者

毛氏曰

咎過也 李氏曰上章既言伐木丁丁鳥鳴嚶嚶下章但言伐木許許省文也亦猶四牡詩上章言不遑將母卒章言將母來諗其文不備亦是總結上章將母之文也既言伐木之時鳥猶求友君子於閒暇之時則有醺酒肥羜召朋友而宴樂之 朱氏曰言具酒食以樂朋友如此寧使彼有故而不來而無使我恩意之不至也孔子曰所求乎朋友句先施之未能也此可謂能先施矣

范氏曰寧通不來微我弗顧者豈必期其至哉不來在人弗顧

在我躬自厚而不責於人也。程氏曰：寧適不來，微
我有咎，寧其不來，不可使我有不厚之罪。李氏曰：
人之所以怨生者，本於相責。責
已而不責人，此其所以和平也。

董氏曰：說文引詩

作伐木所所言伐木聲也。

伐木于阪，醺酒有衍，籩豆有踐，兄弟無遠。民之失德，乾

餼

音

以愆

起反

有酒滑

思反

我無酒酤

音

我坎坎鼓我

蹲

七旬反

蹲舞我迨

音

我暇矣，飲此滑矣。

阪解見東門之墀

蘇氏曰：衍多也。

鄭氏曰：踐陳

列貌。朱氏曰：兄弟朋友之同儕者

范氏曰：先諸舅以及兄弟尊卑

之等也

無遠皆在也

毛氏曰饌食也

孔氏曰民之

失德正由乾餼之食不分於人以獲愆過

毛氏曰

滑菑

所六反

之也

釋文曰與左傳縮酒同義謂以茅泚之而去其糟也

朱氏曰滑亦醜也

醜酒者或以筐或以草泚之而去其糟也禮所謂縮酌用茅是也

鄭氏曰酤買也

前漢食貨志義和魯匡曰詩曰無酒酤我而論語曰酤酒不食二者非相反也承平之世酒酤和者周衰酒酤薄惡不酤是以疑而不食

李氏曰坎坎鼓聲也

毛氏曰蹲

蹲舞貌

鄭氏曰迨及也及我今之間暇共飲此滑

酒

程氏曰有盛具當以燕樂朋友無相踈遠民之

失德故不能修親睦之道厚朋友故舊之禮至乾餼
不相反蓋人之失德也豈當然乎故有酒則我醕之
無酒則我酤之以至鼓舞我為之我及暇時則相與

燕飲以篤恩意

蘇氏曰民之失德也有以乾餼相饒
賁故君子於其朋友故舊無所愛者

有則滑之無則酤之不以有無為辭也奏之以鼓重
之以舞盡其所以樂之也 朱氏曰入之所以至於
失朋友之義者非必有大故也或以乾餼之薄物而
至於有愆耳故我不計有無但及間暇則飲酒以相
樂也

伐木三章章十二句

毛氏六章章六句劉氏云
伐木三章章十二句每一

章首輒言伐木凡三云伐木故知當三章今從劉氏

天保下報上也君能下

反 尸嫁

下如字以成其政臣能歸美

以報其上焉

鄭氏曰下下謂鹿鳴至伐木皆君所以下臣也臣亦歸美以答其敬 蘇氏曰人君

以鹿鳴之五詩宴其羣臣天保者豈以答是五詩於其宴也皆用之歟 程氏曰思惠周物君之下下也歸

美於君臣之報上也 天保之詩或陳入君受天之祐福祿之厚蒙被臣民由君德之所致也

歐陽氏曰天保六章其義一也皆下愛其上之辭其

文甚顯而易明大抵此詩六章文意重複以見其愛

上深至如此爾

天保定爾亦孔之固俾

必以反

爾單

音丹

厚何福不除

治慮反

俾爾多益以莫不庶

鄭氏曰保安也

朱氏曰爾指君也

毛氏曰固堅

俾使也

鄭氏曰單盡也

程氏曰俾爾盡厚何福

不除除更新也日進之義

又曰除有消去之義所稟之薄者雖小福不能容載

惟其甚厚故福祉之來不問多寡其受之也皆若消去而常有者所謂何福不除也

主新

毛氏曰庶衆也

程氏曰俾之多增益莫不繁庶

朱氏曰言天

之安定我君使之至此也

天保定爾俾爾戩

子淺反

穀罄無不宜受天百祿降爾遐

福維日不足

朱氏曰戩盡穀善也盡善云者猶其曰單厚多益也

閏人氏曰
戩與藹同

毛氏曰罄盡也

鄭氏曰降下也遐遠

也天予女以廣遠之福汲汲然如日且不足也 歐

陽氏曰既曰何福不除矣又曰俾爾戩穀又曰無所

不宜而受天百祿又曰降爾遐福其所以慇懃重複

如此而猶曰維日不足也

朱氏曰爾有以受天之祿
矣而天又降爾以福言天

人之際交相與也書所謂昭受上帝天其申命用休
諸意正如此王氏曰君恩至重臣雖有犬馬之勞
不足以上答唯稱其福祿以報之
此出於歡心而不強以為者也

天保定爾以莫不興如山如阜如岡如陵如川之方至
以莫不增

鄭氏曰興盛也毛氏曰高平曰陸大陸曰阜大阜

曰陵

董氏曰爾雅曰山脊曰岡又曰大阜曰陵則岡為山之高者陵為阜之大者此則日進而不已

也替音積

程氏曰此章言既受天之福祿莫不繁盛

鄭氏曰如山如阜如岡如陵此言其福祿委積高大

也川之方至謂其水縱長之時

宋氏曰川之方至言其盛長之未可量

吉蠲

古立反

為饎

尺志反

是用孝享

許文反

禴

餘若反

祠

嗣錄反

烝

之承反

嘗于公先王君曰卜爾萬壽無疆

居良反

毛氏曰吉善蠲絜也

王氏曰吉言誼日擇士之善蠲言齋戒滌濯之絜

饎酒

食也享獻也春日祠夏日禴秋曰嘗冬曰烝

王氏曰禴於文

或從勺爾雅曰春祭曰祠夏祭曰禴秋祭曰嘗冬祭曰烝注云祠之言食約新菜可約嘗嘗新穀烝進

品物也孔氏曰若以四時當云祠祠嘗烝詩以便文故不依先後禴禴志云王制記先王宗廟之祭春

曰禴夏曰禴秋曰嘗冬曰烝周公制禮乃改夏為禴禴又為大祭易曰不如西鄰之約祭鄭注為夏祭之

名則文王
時已改

鄭氏曰公先公謂后稷至諸盤

朱氏曰謂后稷

以下至公叔祖類也史記公叔祖類生古公重父索隱云古公重父之父世本作太公組紺諸盤三代世

表作叔類○盤直留反

朱氏曰先王太王以下也文王時周

未有曰先王者此詩非武王時作則或周公所更定

者與

孔氏曰用之所追次王以下大王之前皆為先公

毛氏曰君先君也

朱氏曰君謂先公先王也

朱氏曰卜猶期也

毛氏曰卜予也

孔氏曰

無疆無有疆畔境界也鄭氏曰吉蠲為饔是用孝

享謂將祭祀也君曰卜爾萬壽無疆尸嘏主人傳神

辭也

孔氏曰少牢云皇尸命工祝祇承致多福無疆于汝孝滌之等是傳神辭祇主人也

歐

陽氏曰既則又言非惟天之福我君如此至于四時

豐潔酒食祀其先公先王而神亦降之福 董氏曰

周官蜡氏注曰蠲如吉圭惟饎之圭儀禮饗辭作圭

為則是圭字作蠲音韓詩作吉圭

釋文曰蠲舊音圭潔也

神之弔

都歷反

矣詒

以之反

爾多福民之質矣日用飲食羣

黎百姓徧

通音

為爾德

毛氏曰弔至也

鄭氏曰神至者宗廟致敬鬼神著

矣

孔氏曰言王已致神之來至矣

毛氏曰詒遺也

程氏曰質實

也

朱氏曰言其質實無為日用飲食而已

王氏曰民無所

施其智巧也日用飲食而已

鄭氏曰黎衆也

李氏曰百姓庶

民也

又曰百姓自古有二書言平章百姓者百姓也此言羣姓也論語曰修己以安百姓者庶民也此言羣

黎百姓則當以為民不當以為百官族姓也

鄭氏曰羣衆百姓徧為女

之德言則而象之

朱氏曰徧為爾德者言助爾為德也

范氏曰君所

以為神民之主神則降福民則日用飲食而不知所

以然羣黎百姓皆為君德此君人者之至願也

如月之恒

反古恒

如日之升如南山之壽不騫

起虔反

不崩

如松栢之茂無不爾或承

毛氏曰恒弦也

孔氏曰策本定本絙字作恒釋文曰本亦作絙同古郡反沈古恒反弦

也

升出也言俱進也

鄭氏曰月上弦而就盈日始出而就明孔氏曰月在朔交會

俱右行於天日遲月疾從朔而分至三日月去日已當二次始死魄而出漸漸遠日而月光稍長八日九日大率月休正半昏而中似弓之張而弦直謂之上弦也後漸至十五十六日月體滿與日正相當謂之望云體滿而相望也從此後漸虧至二十三日二十四日亦正半在謂之下弦於後亦漸虧至晦而盡也以取漸進之義故

騫虧也

程氏曰如松栢之茂盛

無不承其庇廕

長樂劉氏曰覆於萬物而不彫如松栢之茂而罔不承其庇也

朱

氏曰承奉也

歐陽氏曰前既欲其興盛則又欲其

永久故多引常久不虧壞之物以為況

天保六章章六句

采薇

音微

遣戍役也文王之時西有昆

古門反

夷之患北有

獫狁

音險

狁

音允

之難以天子之命命將

子亮反

率

所類反

遣戍役

以守衛中國故歌采薇以遣之出車以勞

力報反

還杖

大計

反杜以勤歸也

鄭氏曰文王為西伯服事殷之時也昆夷西戎也天子殷王也

孔氏曰此與

出車五言獫狁惟一云西戎獫狁大於西戎出師主伐
獫狁故戒敕戎役以獫狁為主而略於西戎也勞與勤
運與歸但變文耳出車序云勞還率杜序云勞還役
俱言還並云勞明還歸義同勤勞不異也蘇氏曰采
薇出車杜此三詩皆言文王為西伯以紂之命而伐
獫狁程氏曰文王遣戎役以守衛歌此詩以遣之叙
其勤勞悲傷之情且風以義當時之事也後世因用之
以遣戎役宋氏曰文王既受命為西伯得專征伐而
其征伐也亦必稱天子之命以行之此足以見服事殷
之實矣而或者謂文王受命而稱王則是二天子也而
乎可

采薇采薇薇亦作止曰歸曰歸歲亦莫止靡室靡家

音暮

玁狁之故不遑啓居玁狁之故

薇解見草蟲

鄭氏曰作生也

長樂劉氏曰作謂芽初出土

朱

氏曰莫晚也靡無也

王氏曰男本有室而女有家

今男靡得以室為室女不得以家為家 毛氏曰獾

狃北狄也

鄭氏曰北狄今匈奴也

朱氏曰遑暇啓跪也

朱氏

曰此設為成役者之言也

程氏曰采薇采薇

薇

為遣戍之候也曰歸曰歸深念歸時在歲莫也

王氏曰戌

者自計歸期則歲暮矣

舍其室家而不暇起居以獾狃之故也

毒民不由上則人有敵愾之心矣

朱氏曰凡此所以使我舍其室家而

不暇啓居者非上之人故為是以苦我也直以獵執之故有所不得已而然耳

采薇采薇薇亦柔止曰歸曰歸心亦憂止憂心烈烈載飢載渴我戍未定靡使歸聘

程氏曰薇始長而柔鄭氏曰烈烈憂貌載則也定止也毛氏曰聘問也李氏曰始遣戍役之時薇始生其後薇始長而柔又其後薇始壯而剛以見天時之變爾范氏曰自作以至於柔未久也已念歸而憂蘇氏曰內憂歸期之遠而外為飢渴之所困

亦甚病矣 朱氏曰雖憂之深然戍事未已將誰使
歸問其室家之安否乎

采薇采薇薇亦剛止曰歸曰歸歲亦陽止王事靡盬不

遑啓處憂心孔疚

反久又

我行不來

程氏曰薇壯而剛 鄭氏曰十月為陽時坤用事嫌

於無陽故名此月為陽

孔氏曰爾雅釋文云十月為陽時純坤用事而嫌於無陽

故名此月為陽君子愛陽而惡陰其實陰陽恒有四月秀萋靡草死豈無陰乎明陰陽常兼有也

監

不堅固也處猶居也 毛氏曰疚病也 鄭氏曰來

猶反也據家曰來 王氏曰陽止者亦如柔止感時

物之變也 程氏曰歸期須歲之陽王事不可鹽也

故啟處不遑憂心雖甚病我行不可歸也

長樂劉氏曰何以憂

而至於病哉以我此行或死於戰陣而不復來也言
文王之將率與其役者勇於報國視死而不敢顧其
親也

彼爾維何維常之華彼路斯何君子之車戎車既駕四
牡業業豈敢定居一月三捷

毛氏曰爾華盛貌常常棣也 王氏曰路戎路也

鄭氏曰斯此也君子謂將率

孔氏曰乘路車而稱君子故知謂將帥得稱路

者左傳鄭子僑叔孫豹王賜之大路是卿車得稱路也

毛氏曰業業然壯也

捷勝也

孔氏曰彼爾然而盛者何木之華乎維常

棣之華也彼路車者斯何人之車乎維君子之車也

以常棣之華色美喻君子車飾之盛也 朱氏曰戎

車既駕而四牡盛矣則何敢以定居乎庶乎一月之

間三戰而三捷爾

程氏曰君子愬強盛之車甲豈敢安居當期成功之速一月而三捷

言速也 王氏曰豈敢定居一月三捷此言慶勤之至而美其功之速成也

董氏曰爾

雅注說文皆作藹藹華盛也

駕彼四牡四牡騤騤

求龜反

君子所依小人所腓

符非反

四

牡翼翼象弭

弭氏反

魚服豈不日戒玁狁孔棘

毛氏曰騤騤彊也

說文曰騤馬行威儀也

程氏曰依依止所

處也腓從動之義人之腓身行則從動

腓足也

言君子

所處小人從而動也

長樂劉氏曰君子則依之以為禦脩也小人則腓之以為進退

也董氏曰按字書腓脰脇也易之咸艮皆取象以著其隨物以動也

毛氏曰翼翼

閑也

孔氏曰閑閑習也氏曰行列整治之狀

象弭弓反末也所以解

紒也

音鄭氏曰弓反末者以象骨為之以助御者解

轡紒宜滑也

孔氏曰釋器云弓有緣者謂之

弓緣矣曰緣謂繫束而漆之又云無緣者謂之弭緣
矣曰不以繫束骨飾兩頭者也然則弭者弓梢之名
弛之則反曲故云象弭為弓反末也紒與結義同繩
索有結用以解之故曰所以解紒也兵車三人同載
左人持弓中人御車御人自當佩觿不專待射者解
結弭之用骨自是弓之所宜亦不為解轡而設但巧
者作器因物取用以弓必須骨故用

魚服魚皮也

鄭氏

曰服矢服也陸氏草木疏曰魚獸似諸東海有之
其皮背上班文腹下純青其皮雖乾燥為弓韃矢服
遇海潮及天將

雨其毛皆起

鄭氏曰日戒日相警戒也孔甚棘

急也

陳氏曰帥乘韞睦又能備戒以防患君子所

依小人所排則帥乘之相依也可知矣 朱氏曰言

將士豈不日相警戒乎獾狁之難甚急誠不可以忘

備也

程氏曰整鍊其車甲修嚴其器械日為戒備獾狁之事甚急故也器械強服是也

昔我往矣楊柳依依今我來思雨

于付反

雪霏霏

方菲反

行

道遲遲載渴載飢我心傷悲莫知我哀

毛氏曰楊柳蒲柳也霏霏甚也遲遲長遠也 朱氏

曰此章設為役人預自道其歸時之事言勤勞之甚

也 董氏曰楊柳依依春之中也雨雪霏霏冬之末

也程氏曰春而往冬而旋行遠而時久言行道遲則見歸思之切范氏曰人情之所患者莫切於飢渴莫知我哀言民之不得其所而無告也予於采薇見先王以人道使人至於後世之使人則牛羊而已

矣毛氏曰君子能盡人之情故人忘其死

劉氏曰一章述

事之由次章三章極道勞苦憂傷之情上能察其情則雖勞而不怨雖憂而能勵四章五章則勸以義卒章言其歸以憫其勞古者戍役再暮而還今年春暮行明年夏代者至復留備秋至過十一月而歸又明年中春至春暮遣次戍者每秋與冬初兩番戍者皆在疆圉乃今之防秋也

采薇六章章八句

出車勞

力報反

還

音旋

率

所類反

也

鄭氏曰遣將帥及戌役同歌同時欲其同心也而勞

之異歌異曰殊尊卑也禮記曰賜君子小人不同日此其義也王氏曰遣戌役同詩者出時用兵則均服同食一衆心也勞還役異詩者入而振旅則分尊卑辨貴賤定衆志也

程氏曰此詩所賦自受命至還歸其事有叙大要在

歸功將帥

我出我車于彼牧

音目

矣自天子所謂我來矣召彼僕夫

謂之載矣王事多難

乃旦反

維其棘矣

爾雅曰郊外曰牧

毛氏曰出車就馬於牧也 王氏曰古者兵隱於民而馬則牧于野

兵車之出則以車而就牧地也 李氏曰荀子曰天子召諸侯諸侯犂輿就馬禮也 遂舉此詩云我出我車于彼牧矣 毛氏蓋本荀子之說 然未必得詩人之意 牧即郊也 鄭氏曰自從也

王氏曰天子紂也

董氏曰文王為西伯則既得專征矣 諸侯雖得專征必以王命

行之以王既命之專征也

程氏曰謂我命我也

毛氏曰僕夫

御夫也

鄭氏曰載裝載也棘急也

歐陽氏曰南

仲為將始駕戎車出至于郊則稱天子之命使我來

將此衆遂戒其僕夫以趨王事之急難

程氏曰王命之征赴事之

急不敢寧也

孔氏曰序其忠敬以慰勞之

我出我車于彼郊矣設此旐

北音

矣建彼旐

北音

矣彼旐

餘音

旐斯胡不旐旐

蒲其反

憂心悄悄

七小反

僕夫況瘁

似醉反

丘氏曰將言建旐設旐之事又本出車言之也李氏

曰言郊與牧同義但其字異爾毛氏曰龜蛇曰旐

旐千旐鳥隼曰旐

孔氏曰周禮司常曰諸侯載旐軍史載旗郊野載旐百官載旗此詩

旐旗旂雜互陳之則君之諸帥有建之者矣文王時朱制周禮則南仲以下或建旐或載旐或載旗也

楊氏曰曲禮行前朱雀而後玄武左青龍而右白虎招搖在上急繕其怒進退有度左右有局各司其局

此師行之法也。四方之里隨其方所為。左右前後所
進退有度。各司其局。則士無失位。離次矣。朱氏曰
此章所謂旆者。玄武也。旗者。朱雀也。下章所謂旂者。青龍也。

孔氏曰：胡不何不

也。

毛氏曰：旆旆旒垂貌。

程氏曰：旆旆垂委之狀。王氏曰：未有事故不旆也。

董氏曰：禮曰：德車結旒。武車結旒。旒謂垂舒之也。
昔晉治兵。建而不旆。壬申復旆。之諸侯畏之。則知垂
旒所以為戰也。

鄭氏曰：況茲也。

程氏曰：此章既受命而

行。有旗章之盛。見付與之重。憂勞其事也。其憂念之

深。僕夫左右之人亦為之意瘁。

鄭氏曰：將率既受命。行而憂臨事而懼也。

御夫則茲

益憔悴

王命南仲往城于方出車彭彭旂旐央央

於良反

天子命

我城彼朔方赫赫南仲玁狁于襄

毛氏曰王殷王也南仲文王之屬

朱氏曰南仲文王之臣此時大將也

方朔方近玁狁之國也

朱氏曰今靈夏州西夏所據之地長樂劉氏曰往城于

方者軍行而為
參築之具也

范氏曰往城于方所守衛中國也

非取玁狁之地而城之蘇氏曰彭彭壯盛也毛

氏曰交龍為旂央央鮮明也

王氏曰彭彭然張其車
乘央央然旂其旂旄

朱氏曰天子命我城彼朔方者文王以商王之命

命南仲而南仲語其軍士以天子之命也 毛氏曰

赫赫盛貌

程氏曰赫赫德名顯盛

襄除也 程氏曰此章指元

帥之名以顯其功主言城而勝玁狁禦戎之道守備
為本不以攻繫為先

一章言車徒始集於郊牧殷勤告語之以天子之

命

南仲受文王之命文王受天子之命故南仲語其衆曰我所以來此統衆者其命蓋自天子而

下使之裝載勉其體悉王事以赴其急二章言方

欲治兵之時衆車並列於郊此車設旐彼車建旄

各事整飭戎容既備肅然無譁為將者指其旗旄而言曰彼旗旄斯胡不旆旆而飛揚也雖治兵之時建而不旆然以將士憂懼之心觀之亦若旌旂隨人意而不舒也古者出師以喪禮處之命下之日士皆涕泣夫子之言行三軍亦曰臨事而懼皆此意也三章言既已治兵大將傳天子之命以令軍衆於是彭彭然張其車乘央央然旆其旂旄威靈氣焰赫然動人兵事以哀敬為本而所尚則威

二章之戒懼三章之奮揚並行而不相悖也

軍禮雖無

所致以左傳聘禮致之則治兵之時建而不旆受命則張而旆之在道之時則斂而不旆將戰之時則張而旆之左傳平丘之會晉治兵于邾南革車四十乘建而不旆士申馭旆之諸侯畏之杜預曰軍將戰則旆故曳旆以恐之此治兵不旆將戰張旆之驗也聘禮使者載旌帥上介衆介以受命于朝遂行斂旌及所聘之境張旌而誓使之旌猶軍之旂旆也使聽命於朝猶軍聽命於野也使載旌而受命猶軍張旆而聽命也使旆行而斂旌猶軍在道而斂旆也使及所聘之境而張旌猶軍將戰而張旆也

昔我往矣黍稷方華今我來思雨

于付

雪載塗王事多

難不遑啓居豈不懷歸畏此簡書

孔氏曰方華方生華也 李氏曰思語辭也 毛氏

曰塗凍釋也

孔氏曰雪落而釋為塗泥是春凍始釋也

簡書戒命也

又曰鄰國

有急以簡書相告則奔命救之 長樂劉氏曰謂王命載之以竹簡也 朱氏曰或曰簡書策命臨遣之

辭也 孔氏曰古者無紙有事則書之於簡謂之簡書

朱氏曰本其往時所

見與今還時所遭以見其出之久

鄭氏曰征伐玁狁因伐西戎至春凍

始釋而來反

長樂劉氏曰王事多難言玁狁雖衰而西

戎又入也自北而西不遑起居也 程氏曰豈無思

歸之心畏简书不敢自遂

采薇之所謂往遣戍時也此詩之所謂往在道時也采薇之所謂來戍畢時也此詩之所謂來歸而在道時也

嘒嘒

於達反

草蟲趯趯

吐歷反

阜螽未見君子憂心忡忡

勅中

反

既見君子我心則降赫赫南仲薄伐西戎

首兩句解見草蟲鄭氏曰君子斥南仲也降下也

長樂劉氏曰降者莫不放下其心以自安也

程氏曰此章復言兵出而

衆和為一方所僂望南仲之功於此尤盛草蟲阜螽其類相應民心之望王師猶是也此南仲之伐西戎

也

鄭氏曰近西戎之國聞南仲既征蠻貊將伐西戎皆跳躍而鄉望之如阜螽之間草蟲鳴焉

朱氏

曰豈既却蠻貊而還

師以伐昆夷也與

薄語辭也嚶嚶草蟲以下六句說者以草蟲之詩有之遂亦以為室家之語觀其斷句曰赫赫南仲薄伐西戎其辭奮張豈室家思望之語乎毋逝我梁毋發我笱我躬不閱遑恤我後兩見於谷風小

弁之詩其一夫婦也其一父子也

春日遲遲卉

許貴反

木萋萋

七西反

倉庚喈喈

音皆

采芣苢

巨移反

執訊

音信

獲醜薄言還歸赫赫南仲玁狁于夷

毛氏曰卉草也

孔氏曰萋萋然茂美喈喈然和鳴

采芣之人祁祁然衆多

程氏曰訊問也其魁首當

訊問者醜徒衆也

毛氏曰夷平也

歐陽氏曰述

其歸時春日暄妍草木榮茂而禽鳥和鳴於此之時

執訊獲醜而歸豈不美哉

朱氏曰此章言其振旅而凱還之時也

鄭

氏曰此時亦伐西戎獨言平獫狁者獫狁大故以為始以為終

出車六章章八句

杕杜勞

力報反

還役也

有杕之杜有睢

華板反

其實王事靡盬繼嗣我日日月陽

止女心傷止征夫遑止

毛氏曰興也

董氏曰因其所感而興也

杕杜解見唐風

毛氏

曰睢實貌

鄭氏曰嗣續也十月為陽遑暇也朱

氏曰軍事在外其室家感時物之變而思之 呂氏

曰杜之有實秋冬之交也歲將暮矣猶歎其未至也

李氏曰繼嗣我日言其行役以日繼日無有休息

之期也 范氏曰日月陽止歲將暮也女心傷止居

者之思也凡行役唯居者之憂為甚 鄭氏曰婦人

思望憂傷征夫如今已閒暇且歸也而尚不得歸

有秋之杜其葉萋萋王事靡盬我心傷悲卉木萋止女

心悲止征夫歸止

丘氏曰萋萋新葉 鄭氏曰傷悲者念其君子於今
勞苦 呂氏曰卉木亦萋然有葉則春將暮矣歲暮
之期既不至將至春之暮猶未歸也

陟彼北山言采其杞

起音

王事靡盬憂我父母檀

反

旄丹車

憚憚

尺善反

四牡瘡瘡

古殘反

征夫不遠

呂氏曰杞之可食春莫矣 孔氏曰伐檀云伐輪伐
輻是檀可以為車之輪輻大明云檀車煌煌 毛氏
曰憚憚敝貌瘡瘡罷貌 李氏曰陟彼北山言采其

杞猶草蟲之詩言陟彼北山言采其薇皆以見時物之

變感其君子久出思得以見之非有它義也 朱氏

曰憂我父母詒我父母之憂也

丘氏曰我君子也父母君子之父母也

陳氏曰言夫之車久而當敝矣四牡當罷矣諒亦

不遠當歸也

范氏曰橫車憚憚四牡瘡瘡若開其將至也

匪載匪來憂心孔疚

居反

期逝不至而多為恤卜筮偕

止會言近止征夫邇止

鄭氏曰載裝載也疚病也 毛氏曰逝往也 長樂

劉氏曰期逝者謂所期之日以逝 毛氏曰恤憂也

鄭氏曰偕俱會合也 毛氏曰邇近也 王氏曰

庶幾其歸且至不遠矣既而匪載匪來所以憂心孔
疚也 毛氏曰遠行不必如期室家之情以期望之

朱氏曰期已過而猶不至則使我多為憂恤宜矣

王氏曰會卜筮之言皆言近矣則庶幾征夫之歸

近矣

朱氏曰且卜且筮其錄皆曰近矣則征夫其亦邇而將至也與

范氏曰以卜

筮終之言思之無所不為也出車勞率故美其功狀

杜勞衆故極其情先王以已之心爲人之心故能曲

盡其情使民忘其死以忠於上也

李氏曰觀此詩言王事靡盬憂我父

母何以異於鵠羽王事靡盬不能藝稷黍父母何怙言期逝不至亦何以異於采綠五日爲期六日不唐

然鵠羽采綠下之人自新其勞

若此下之人勞苦而上知之

杜杜四章章七句

魚麗

力馳反

美萬物盛多能備禮也文武以天保以上治

內采薇以下治外始於憂勤終於逸樂故美萬物盛多

可以告於神明矣

程氏曰太平之時庶物繁盛故能備禮六月序云魚麗廢則法度缺矣物不足則不能備法度也文武以天保以上治內以下傳詩者之言也不可取

魚麗于罍

音柳 鱣

音常 鱣

音沙

君子有酒吉且多

毛氏曰麗厯也罍曲梁也寡婦之笱也

孔氏曰釋器云寡婦之笱

謂之罍郭璞曰以薄取魚者名為罍也然則曲梁也

以薄為魚笱其功易成號之寡婦笱耳非寡婦所作也

鱣揚也陸璣草木疏曰鱣一名黃揚今黃頰魚是也身形厚而長大頰骨正黃有力解飛者

黃鮐也

孔氏曰郭璞云今吹沙也陸璣草木疏曰魚狹而小常張口吹沙故曰吹沙太平而後微

物衆多程氏曰留魚筭之易作者麗於留者亦美大之魚也見其盛多

古者不風不暴

不行火

孔氏曰言風暴然後行火也風暴者謂氣寒其風疾即北風也自十月始

草木不

折不芟斧斤不入山林

孔氏曰草木黃落斤斧乃入山林也霜動風暴枝折葉墮

謂之折芟蓋葉落而盡似芟之也

豺祭獸然後殺

孔氏曰豺殺獸聚而祭其先然後可

田獵月令季秋豺祭獸而戮禽故夏小正云十月豺祭獸

獺祭魚然後漁

孔氏曰獺聚其

魚以祭先然後可捕魚月令孟春獺祭魚

鷹隼擊然後爵

音畏羅設

孔氏曰夏小正

五月鳩化為鷹月令季夏鷹乃學習孟秋鷹乃祭鳥司渠云仲秋王乃行羽物注云此羽物小鳥鵠雀之屬鷹擊者爵捕鳥網細密者也自此以上是取之以時也

是以天子不合圍諸

侯不掩羣大夫不麇不卵

孔氏曰天子雖田獵不得圍之使臣諸侯言不掩羣

大夫言不麇不卵各舉其力之所能以禁之耳恐盡物以長養之故也

士不隱塞庶人

不數罟罟必四寸然後入澤梁

孔氏曰梁止可為防於兩邊不得當中守

隱塞罟罟不得小使小魚不得過亦為盡物也

故山不童澤不涸鳥獸魚鼈

皆得其所然

宋氏曰凡此皆先王之政也然必有至誠惻怛之心仁厚愷悌之化使人不知

其所以為之者然後可行耳不然則叢脞已甚矣豈所恃以為治者哉

蘇氏曰古之

仁人交萬物有道取之有時用之有節則草木鳥獸

繁植無有求而不得君子於是及其閒暇而為醴以

燕樂之其酒既旨且多言無所不備也 朱氏曰舊

說君子有酒旨為句且多為句非是當以有酒為句
旨且多為句言酒旨而又多也且留酒鯊多亦隔句

協韻也

魚麗于留魴鱧

禮音

君子有酒多且旨

毛氏曰鱧魴也

孔

氏曰釋魚云鱧魴舍人曰鱧名魴
郭璞曰鱧魴偏檢諸本或作鱧魴

或作鱧魴定鱧

魴魴與鱧音同

魚麗于留鯉

音

鯉君子有酒旨且有

毛氏曰鰕鮎

乃兼反

也

孔氏曰釋魚有鰕鮎孫炎以爲鰕鮎一魚鰕鮎一魚郭璞以爲

鰕鮎鰕鮎四

者各爲一魚

物其多矣維其嘉矣

蘇氏曰多則患其不嘉

物其旨矣維其偕矣

蘇氏曰偕齊也旨則患其不齊

旨即所謂嘉也物雖嘉旨然陸產或不如水產之
盛澤物不如山物之蕃猶未可以言偕也

物其有矣維其時矣

程氏曰盛而及時也

王氏曰若季冬薦魚春獻鮪之類是也 呂氏曰物常有而不

乏則可以待時而取之故曰維其時矣物不常有不可必其時也


蘇氏曰多而能

嘉旨而能齊有而能時言曲全也

有即所謂偕也物雖盛多而偕有必適當其時然後盡善所謂時者不專為用之之時也苟非國家閒暇內外無故則物雖盛不能全其樂矣

魚麗六章三章四句三章二句

鹿鳴之什篇五十五章三百一十五句



呂氏家塾讀詩記卷十七

欽定四庫全書

經部

呂氏家塾讀詩記卷十八

詳校官監察御史臣邱庭澍

通政使司副使臣莫瞻菴覆勘

總校官降調編修臣倉聖脉

校對官學正臣翁樹棠

謄錄監生臣周元梓

欽定四庫全書

呂氏家塾讀詩記卷十八

宋 呂祖謙 撰

南陔之什

南陔

古哀反

孝子相戒以養

餘尚反也

白華孝子之潔白也

華黍時和歲豐宜黍稷也

由庚萬物得由其道也

毛氏曰有其義而亡其辭

孔氏曰此云有其義而鄉飲酒之禮注皆云今亡其

義未聞鄭志答吳樞云為記注時就盧君耳先師亦然後乃得毛公傳彼注又云後世衰微幽厲尤甚禮樂之書稍廢棄以為孔子之前六篇已亡亦為不見此序故也張氏曰人或言亡詩六篇古無其詩既

無詩安得有此篇必是有其辭所以亡者雖由施之於笙非若歌之可習

鄭氏曰鄉飲

酒燕禮皆曰笙入奏南陔白華華黍孔子論詩雅頌

各得其所時俱在耳篇第當在於此遭戰國及秦之

世其義則與衆篇之義合編故存至毛公為故訓傳

乃分衆篇之義各置於其篇端云又闕其亡者以見

在為數故推改什首遂通耳而下非孔子之舊 孔氏曰據六月之序由庚本在華黍之下其義不備論於此而與崇丘同處者以其是成王之詩故下從其類 蘇氏曰毛公推改什首予以為非古於是復為南陔之什則小雅之什皆復孔子之舊

六月序小雅諸篇魚麗之後初一日南陔次二曰白華次三曰華黍次四曰由庚次五曰南有嘉魚次六曰崇丘次七曰南山有臺次八曰由儀與鄉

飲酒禮燕禮奏樂之序皆合

鄉飲酒禮笙入樂南
陔白華華黍乃間歌

魚麗笙由庚歌南有嘉魚笙崇丘歌南山有臺笙
由儀燕禮亦然間歌之次正與六月之序同以孔

氏之說考之則毛公降
由庚崇丘下從由儀耳此孔子之舊也蘇氏復南

陔之什既得之矣而由庚崇丘尚仍毛氏之舊今

釐正之董氏以為笙入者有聲而無詩

朱氏曰意
篇題之下

必有譜焉如投壺魯鼓
薛鼓之節而亡之耳

其說不為無理然國語叔

孫穆子聘晉伶簫詠歌鹿鳴之三鹿鳴三篇既可

與簫相和而歌則南陔以下豈不可與笙相和而

歌乎

南有嘉魚樂

洛音

與賢也大

泰音

平之君子至誠樂與賢者

共之也

董氏曰文王太統未集武王繼伐方改定制度至成王然後治定功成傳曰太平治之至也然

則非成王其得謂太平君子哉陳氏曰太平之時得賢則未必有益於治失賢亦未必趨於亂是以賢者漸致疎棄不肖者漸致狎昵間有勉強與賢者共享其樂亦不能久今也至誠樂與賢者共之非天資敦厚學與性成不能如是也

南有嘉魚烝

之反

承

然罩罩

張教反

君子有酒嘉賓式燕以

樂

音洛協句五教反

朱氏曰樂

協韻去聲其義則與

音洛者同

宋氏曰興也

孔氏曰毛傳於三章曰興也傳文略舉中以明上下足知魚離皆興也

毛

氏曰江漢之間魚所產也

孔氏曰南方魚之善者莫善於江漢之間山陰陸氏

曰嘉魚鯉質鱗鱗膾肉美食乳泉出於丙穴先儒謂丙穴在漢中沔南縣北穴口向丙故曰丙也

釋文曰烝王肅云衆也

朱氏曰烝然發語聲也

毛氏曰罩簠

助角反

也

孔氏曰釋器云簠謂之罩李巡曰簠編細竹以為罩捕魚也

范氏曰罩

罩取之不已也

丘氏曰君子成王也嘉賓新進之

賢也

鄭氏曰式用也燕飲也

釋文曰得賢置酒

歡情怡暢故樂

王氏曰君子有酒而嘉賓式宴以

樂此所謂樂與賢者共之也 董氏曰別本作烝然

說文亦作蒸字

嘉魚羣然入於網罟之又罟取之不竭興得賢之
多也賢才多寡繫君上之好惡樂與賢則衆多不
樂與賢則亦從而衰少矣君子有酒嘉賓式燕以
樂道其樂與賢之心也

南有嘉魚烝然汕汕

所諫反

君子有酒嘉賓式燕以衍

苦且

反

毛氏曰汕櫟

側交反

也

鄭氏曰櫟者今之櫟罟也氏曰釋器櫟謂之汕

李巡云

汕以薄瓦魚也

衍樂也

山陰陸氏曰君子求賢上籠之如

罩下櫟之如汕淮南子曰罩者抑之罾者舉之為之

難易得魚一也

李氏曰以見求賢無方也

南有樛

屈虬反

木甘瓠

音護力追反

之君子有酒嘉賓式燕

綏之

樛木解見周南 毛氏曰纍蔓也

陳氏曰瓠蔓生董氏曰瓠以得所

附而纍之

鄭氏曰綏安也

瓠有甘有苦瓠則可食者也。樛木下垂以興君瓠之甘者以興賢南有樛木甘瓠累之言相與固結而不可解也。

翩翩者騅

音佳

然然來思君子有酒嘉賓式燕又思

騅解見四牡 李氏曰賢者羣然如騅之來集也

孔氏曰思皆為辭嘉賓既來用此酒與之燕又燕也

頻與之燕言親之甚也

朱氏曰來思之思語辭也又思既燕而又思之以見其至

誠有加而無已也凡思字為語助者上字協韻為思慮之思本字協韻此章則來字與末句思字協韻也

南有嘉魚四章章四句

崇丘萬物得極其高大也

毛氏曰有其義而亡其辭

南山有臺樂得賢也得賢則能為邦家立太平之基矣

南山有臺北山有萊樂

音洛

只君子邦家之基樂只君子

萬壽無期

毛氏曰興也臺夫須也

陸璣草木疏曰夫須莎草可為簞笠都人士云臺笠

萊

草也

陸璣草木疏曰萊草名其葉可食今兖州人烝以為茹謂之萊烝

丘氏曰只

辭也 孔氏曰無期無期竟也 歐陽氏曰高山多

草木如周大國多賢才

李氏曰詩人之意只言山之有草木以喻國之有賢者君

必一一為說則拘矣

范氏曰君用賢則天下頌之其用不賢

則天下詛之賢人必為國行善政不賢人必為國行

惡政故用賢則榮不用賢則辱用賢則有福不用賢

則有禍用賢則壽不用賢則夭此天下之通道也

陳氏

曰壽夭天也得賢何益於壽曰君子有四時朝夕晝夜節宣其氣勿贏其體苟不近賢者則非鬼非食感

以喪志雖欲壽得乎

賢才之盛多如此樂哉王者誠可為邦家之基矣
誠可以萬壽無期矣五章反覆詠嘆之樂之至也

南山有桑北山有楊樂只君子邦家之光樂只君子萬

壽無疆

屋良反

南山有杞北山有李樂只君子民之父母樂只君子德
音不已

陸氏草木疏曰杞其樹如檮一名狗骨 鄭氏曰已

止也不止者言數見稱頌也

南山有栲

音考

北山有杻

女久反

樂只君子遐不眉壽樂只

君子德音是茂

毛氏曰栲山樗杻憶也

鄭氏曰遐遠也

朱氏曰遐何通

毛氏曰眉壽秀眉也

鄭氏曰茂盛也

程氏曰遐

不眉壽猶云不遐遠眉壽乎

南山有枸

俱甫反

北山有梗

音庚

樂只君子遐不黃耇

音苟樂

只君子保艾

五蓋反

爾後

毛氏曰枸枳枸

孔氏曰宋玉賦云枳枸來巢則枸木多枝而曲所以來巢也陸璣疏云枸

樹高大似白楊有子著枝端大如指長數寸噉
之甘美如飴八月熟今官園種之謂之木密 梗鼠

梓

孔氏曰郭璞云楸屬也陸璣疏曰其樹葉木
理如楸山楸之異者今人謂之苦楸是也

黃

黃髮也

孔氏曰老人
髮白復黃也

耆老也

孔氏曰
面凍梨色如浮垢

艾養

保安也

南山臺五章章六句

由儀萬物之生各得其宜也

毛氏曰有其義而亡其辭

蓼

音六蕭澤及四海也

鄭氏曰九夷八狄七戎六蠻謂之
四海虞書曰州十有二師外薄四

海咸建五長 李氏曰澤及四海言澤及天下之諸侯不必以為四夷之長也

蓼彼蕭斯零露漙漙

息叙反

今既見君子我心寫兮燕笑語

兮是以有譽處兮

毛氏曰興也蓼長大貌蕭蒿也

孔氏曰蕭郭璞云即蒿也生民曰取蕭祭

脂蕭香物也

漙漙然蕭上露貌

鄭氏曰既見君子者言

朝見於天子也

毛氏曰寫者輸寫其心也

鄭氏曰寫者舒

其情意無留恨也

長樂劉氏曰寫者傾其瞻仰之心也

蘇氏曰諸侯來朝王

者推恩以接之無所不及如零露之於蕭故其既見

天子也其心無不傾盡天子又申之以燕禮於其燕也極其笑語而無間張氏曰有譽處兮謂君接之以溫厚則下情得伸讒毀不入而美名可保也

蓼彼蕭斯零露瀼瀼

如羊反

既見君子為龍為光其德不

爽壽考不忘

毛氏曰瀼瀼露著貌龍寵也爽差也

鄭氏曰為龍

為光言天子之恩澤光耀被及已也

邱氏曰見天

子之德無有差爽故皆願其壽考而永不忘於心也

四海諸侯遠近大小親疎亦不齊矣而王者德施之普各稱其分莫不滿足所謂其德不爽也苟有心於其間豈能無偏黨差忒哉

蓼彼蕭斯零露泥泥

乃禮反

既見君子孔燕豈

開在反

弟

音悌

宜兄宜弟令德壽豈

毛氏曰泥露濡也

鄭氏曰孔甚也

孔氏曰燕燕

諸侯也

毛氏曰豈樂弟易也

蘇氏曰兄弟同姓

諸侯也

李氏曰天子既如是宜其有令善之德壽

而且樂也

天子之待諸侯甚燕樂而豈弟也兄弟自同姓諸侯親者言之四海諸侯莫不在其中矣諸侯既被天子之燕樂於是祝頌之曰庶幾天子宜兄宜弟無不親睦有令善之德壽而且樂乎亦為同姓諸侯善頌之辭以見其疎也

蓼彼蕭斯零露濃濃

反全

既見君子條

徒彫反

革冲冲

勅弓

反和鸞雖雖萬福攸同

毛氏曰濃濃厚貌條轡也革轡冒也

孔氏曰郭璞云轡韉也馬轡所

韉之外有餘而垂者謂之革條皮為之故曰條革

冲冲垂飾貌

後漢志注

曰于寶周禮注和鸞皆以金為鈴鸞者在衡和者在

軾

魯訓曰和設軾者也鸞設衡者也董氏曰韓詩曰在軾曰和在軛曰鸞

馬動則鸞鳴

鸞鳴則和應舒則不鳴疾則失音故詩云和鸞雍雍

言得其和也

毛氏曰在鏡曰鸞置鸞於鏡異於乘車是鄭以乘車之鸞

孔氏曰四職箋云

不當在鏡矣

鄭氏曰攸所也

王氏曰乘馬路車天子

所以好諸侯也有車馬則有條革和鸞矣上下相遇

以德而成以禮則萬福所同也

韓奕之二章曰王錫韓侯脩革金厄三章曰其贈維何乘馬路車即其事也

蓼蕭四章章六句

湛

直減反

露天子燕諸侯也

左傳寧武子曰昔諸侯朝正於王王宴樂之於是乎賦湛

露朝觀會同天子與之燕所以示慈惠

鄭氏曰燕謂與之燕飲酒也諸侯

湛湛露斯匪陽不晞

音希

厭厭

於鹽反

夜飲不醉無歸

毛氏曰興也湛湛露茂盛貌陽日也晞乾也厭厭安

也孔氏曰安閑也夜飲私燕也宗子將有事則族人

皆侍不醉而出是不親也醉而不出是濫宗也鄭氏曰天

子燕諸侯之禮亡此假宗子與族人燕為說耳

孔氏曰伏生書傳曰既侍其宗然後得燕燕私者何而

與族人飲飲而不醉是不親醉而不出是不敬與此

傳同諸侯燕禮曰宵則庶子執燭於阼階上甸人執

大燭於庭閤人為燭於門外賓醉北面坐取其薦脯

以降秦陔夏取所執脯以賜鍾人於門外雷遂出

歐陽氏曰露以夜降者也因其夜飲故近取以為

比云湛湛之露潤霑於物非至曙則不乾厭厭之飲

恩被於諸侯非至醉則不止舉其燕私殷勤之意以

見天子恩禮諸侯之厚 說文曰厭安也詩曰厭厭

夜飲

湛湛露斯在彼豐草厭厭夜飲在宗載考

毛氏曰豐茂也夜飲必於宗室

邱氏曰言在所尊者之室 朱氏曰宗室

蓋路寢之屬

鄭氏曰考成也

歐陽氏曰言在彼豐草

杞棘者以露之被草木如王恩被諸侯爾 范氏曰

王者天下之宗諸侯之所主也在宗載考禮成而恩

洽也

湛湛露斯在彼杞棘顯允君子莫不令德

孔氏曰顯允明信也 朱氏曰君子指諸侯為賓者

也 鄭氏曰令善也 歐陽氏曰令德令儀者言此

與燕之臣皆有令德令儀爾

程氏曰忠順之心溫克之容皆令德也

曾氏曰前兩章言厭厭夜飲後兩章言令德令儀然則雖過三爵亦可謂不繼以淫矣

其桐其椅

於宜反

其實離離豈弟君子莫不令儀

椅解見定之方中 毛氏曰離離垂也

程氏曰離離猶累累

歐陽氏曰其桐其椅木之美者其實離離然亦喻諸

侯在燕有威儀爾

孔氏曰言其蘊藉自持威儀不至醉亂

詩人比事多

於卒章別引他物

湛露四章章四句

南陔之什篇其六篇亡其四篇十七章八十六句

呂氏家塾讀詩記卷十八

欽定四庫全書

呂氏家塾讀詩記卷十九

宋 呂祖謙 撰

彤弓之什

彤

徒冬反

弓天子錫有功諸侯也

左傳寧武子曰諸侯敵王所愾而獻其功於是

乎賜之彤弓一彤矢百茲弓矢千以覺報宴注云愾恨怒也覺明也謂諸侯有四夷之功王賜之弓矢又為歌

彤弓以明報功宴樂鄭氏曰凡諸侯賜弓矢然後專征伐

范氏曰先王知天下諸侯之不可無長故為之方伯

連帥以維之其有功則賜之弓矢使專征伐以正諸
夏此王室之所以尊也不然則強陵弱大并小而莫
之制天子之政令有所不行故曰彤弓廢則諸夏衰
矣 李氏曰周室東遷之後賞罰無章然彤弓之賜
惟及晉文侯文公二人則先王盛時可知矣 東萊
曰所謂專征者如寇盜入邊臣子篡弑不容待報者
其他則九伐之法乃大司馬所職非諸侯所專也與
後世強臣拜表輒行者異矣

彤弓

尺昭反

今受言藏之我有嘉賓中心貺之鐘鼓既

設一朝饗之

毛氏曰彤弓朱弓也以講德習射

孔氏曰彤赤故言朱弓為弓者皆漆

之以禦霜露彤弓漆之色赤茲弓漆之色黑也賜弓赤一而黑十以赤為重耳周禮無彤弓之名傳言講

德習射則彤弓其周禮之唐弓大弓乎夏官司弓矢唐弓大弓以授學射者使者勞者注往體寡來體多

曰王弓弧弓皆遠射強弓也往體多來體寡曰夾弓庾弓皆近射弱弓也往體來體若一曰唐弓大弓學

射者弓用中後習強弱則易也勞者勤勞王事若弨晉文侯文公受王弓矢之賜也講德謂射禮也

弛貌

孔氏曰說文云弛弓反謂弛之而體反也

李氏曰言者語辭

也 王氏曰受言藏之者工成而獻王王受而藏之

以待賜也 毛氏曰貺賜也 鄭氏曰朝早朝也

孔氏

曰燕或至夜饗則如其獻數禮成而罷左 傳曰鄭饗趙孟禮終乃燕是饗不終日也 大飲賓曰

饗

孔氏曰饗者烹太牢以飲賓穀牲俎豆盛於食燕

周語曰王饗有體薦燕有折俎公當饗卿當燕是 禮盛也 長樂劉氏曰行慶賞 必與神人共之故行饗禮於廟 蘇氏曰其賜之也

行之以饗禮 呂氏曰天子錫有功諸侯必曰中心

貺之喜之好之者言是錫也非以為儀也出於吾情

而非勉也饗之右之酬之者言功之大者情必厚情

之厚者賜必多賜之多者儀必盛所謂本末情文無

所不稱者也

范氏曰鐘鼓大樂也饗盛禮也

朱氏曰彤弓召兮受

言藏之言其重也受弓人所獻藏之王府以待有功

不敢輕予人如說命惟衣裳在笥之意也我有嘉賓

中心貺之言其誠也中心實欲貺之非由外也鐘鼓

既設一朝饗之言其速也以王府寶藏之弓一朝舉

以畀之未嘗有遲留顧惜之意也後世視府藏為已

私分至有以武庫兵賜弄臣者則與受言藏之者異

矣賞賜非出於利誘則迫於事勢至有朝賜鐵券而暮屠戮者則與中心貺之者異矣屯膏吝賞功臣解體至有印刖而不忍予者則與一朝饗之者異矣

彤弓詔兮受言載之我有嘉賓中心喜之鍾鼓既設一

朝右

音之又

王氏曰其藏弓也載以抗之橐以韜之則以言其藏

之無敢不敬也 毛氏曰右勸也

孔氏曰謂設饗禮勸其功也 王氏

曰尊而右之

彤弓召兮受言橐

古刀反

之我有嘉賓中心好

呼報反

之鐘

鼓既設一朝疇

市由反之

毛氏曰橐韜

吐刀反也

釋文曰弓衣也

疇報也

王氏曰疇之

者既獻矣又疇之也主既獻賓既酢則報施足矣於

是有疇焉則所以為厚也

鄭氏曰飲酒之禮主人獻賓賓酢主人主人既飲又

酌賓謂之疇

彤弓三章章六句

菁菁

子丁反

者莪

五何反

樂

音洛

育材也君子能長

張丈反

育人

材則天下喜樂之矣

鄭氏曰樂育人材者歌樂人君教學國人士秀士選人俊士造士進士養

之以漸至於官之朱氏曰先王盛時家有塾黨有庠術有序國有學其制見於周官孟子與夫禮記漢儒之說者皆不同也蓋其詳不可得而攷矣至以為教之以孝弟忠信詩書禮樂養其良知良能之善以俟其成德而賴其用焉則其意未嘗不同也故孟子曰學則三代共之皆所以明人倫也此所謂長育人材者能如是則天下喜樂之矣

呂氏曰長育人材之道固多術矣而莫先於禮儀禮儀者內外兼養非心過行無所從入此人材所以成也故曰菁菁者莪廢則無禮儀矣 陳氏曰小雅二

十二詩皆因其事而歌之也菁菁者莪之詩則宜何歌其天子行禮於學校燕飲而歌之與

菁菁者莪在彼中阿既見君子樂且有儀

毛氏曰興也菁菁盛貌莪蘿蒿也

陸璣草木疏曰莪蒿也一名蘿蒿生

澤田漸洳之處葉似邪蒿而細斜生二月中莖可生食又可蒸

中阿阿中也大陵曰

阿君子能長育人材如阿之長莪菁菁然

昌黎韓氏曰君子之

長育人材若太陵之長育微草能使之菁菁然成也

昌黎韓氏曰既見君子

樂且有儀者天下美之之辭也歐陽氏曰謂此君

子樂且而有威儀耳

鄭氏曰以禮儀見接
養天下之賢材莫如致敬以有

禮則賢者出而風俗厚矣禮所以養
天下之材樂且有儀所以為先也

菁菁者莪在彼中沚

音止既見君子我心則喜

毛氏曰中沚沚中也

菁菁者莪在彼中陵既見君子錫我百朋

毛氏曰中陵陵中也 鄭氏曰錫賜也古者貨貝五

貝為朋

孔氏曰前漢食貨志王莽置貝貨五品大貝
四寸八分以上二枚為一朋直錢二百一十

壯貝三寸六分以上二枚為一朋直錢五十小貝二
寸四分以上二枚為一朋直錢二十小貝一寸二分

以上二枚為一朋直錢三十小貝一寸二分以上二枚為一朋直錢一十不成貝寸二分漏度不得為朋率枚直錢三文王莽多舉古事而行五貝故知古者貨貝焉錫我百朋得祿多也

王氏曰彼厚之以祿則士之才成矣樂其成吾才而又能用我也豈特為厚祿乎哉范氏曰錫我百朋

言獲益於王之多也

汎汎

芳劍反

楊舟載沈載浮既見君子我心則休

毛氏曰楊木為舟孔氏曰載則也鄭氏曰休者

休休然朱氏曰載沈載浮猶言載清載濁載馳載

驅之類以比未見君子而心不定也既見君子心休

休然安定也

菁菁者莪四章章四句

變小雅

變大雅說附

鄭氏曰詩譜曰小雅六月大雅民勞之後皆謂之變雅美惡各以其時正之次也 釋文曰從六月至無

羊十四篇是宣王之變小雅

皇甫謐曰宣王三十年王伐魯諸侯從此而不

睦蓋周衰自此而漸也大局宣王之美詩多是三十年前事箴規之篇當在三十年以後王德漸衰亦容美刺並行不從節南山至何草不黃四十四篇昔儒可以限斷也

申公毛公皆以為幽王之變小雅

孔氏曰鄭氏詩譜謂十月之交雨無

正小旻小宛皆刺厲王詩毛氏移之於此若如鄭言毛詩為毛公所移四篇容可在此今韓詩亦在此王

肅王甫謚以為四篇正刺幽王孫毓曰毛公明於詁訓篇義誠自刺厲王無緣橫移其第改為幽王蘇

氏曰小雅無厲王之詩鄭氏以為十月之交雨無正小旻小宛皆厲王之詩也毛公作故訓傳而遷其第

因改之耳其言此詩所以非幽王者曰師尹皇甫不

得並政褒姒豔妻不得偕寵番與鄭桓不得同位此

其所挾以為厲王者也使幽王之世師尹皇甫番與鄭桓先後在事褒姒以色居位謂之豔妻其誰曰不

可且漢之諸儒異師相攻甚於仇讎苟毛公誠改詩第則他師將不肯信而韓詩之次與毛詩合此足以

明其非厲王也

從民勞至桑柔五篇是厲王之變大雅從雲

漢至常武六篇是宣王之變大雅瞻卬及召旻二篇
是幽王之變大雅

六月宣王北伐也鹿鳴廢則和樂缺矣四牡廢則君臣

缺矣皇皇者華廢則忠信缺矣

長樂劉氏曰四海廣遠耳目之所不能及非有

忠信司其見聞其可哉

常棣廢則兄弟缺矣伐木廢則朋友缺矣

天保廢則福祿缺矣采薇廢則征伐缺矣

王氏曰采薇之師不得已

而後起序其情而閔其勞所謂說以

出車廢則功力缺

使民犯難者也征伐之義如斯而已

矣杕杜廢則師衆缺矣王氏曰征伐之功力在將帥而

已而將帥之所恃者師衆也

魚麗廢則法度缺矣南陔廢則孝友缺矣白華廢則廉

恥缺矣華黍廢則蓄積缺矣由庚廢則陰陽失其道理

矣南有嘉魚廢則賢者不安下不得其所矣崇丘廢則

萬物不遂矣南山有臺廢則為國之基隊

直類反

矣由儀

廢則萬物失其道理矣蓼蕭廢則恩澤乖矣湛露廢則

萬國離矣彤弓廢則諸夏

戶雅反

衰矣菁菁者莪廢則無

禮儀矣小雅盡廢則邊塞交侵中國微矣

孔氏曰宣王所以北伐者

由厲王小雅盡廢致四塞交侵張氏曰小雅盡廢未必皆厲王之罪固亦有漸朱氏曰成康既沒文武之

政侵尋弛壞至於夷厲而小雅盡廢矣蓋其人亡其政
息雖鐘鼓管絃之聲未廢然其實不舉則無所施之所
謂廢也宣王中興內修政事外攘夷狄北伐南征以復
文武之境土故序詩者詳記其所由廢興者如此以發
其端而小雅之見於經者於是變矣六月棲棲音西戎車既飭音敕四牡騤騤
求龜載是常服玃狁孔熾尺志反我是用急王于出征以

匡王國

長樂劉氏曰六月建巳之月也 蘇氏曰棲棲不安

也

李氏曰與論語栖栖同注栖猶皇皇言其不安也 毛氏曰棲棲簡閱貌

鄭氏曰

戎車其等有五

周禮車僕掌戎路之萃廣車之萃闕車之萃革車之萃輕車之萃注萃猶

副也此五者皆兵車所謂五戎戎路王在軍所乘也
廣車橫乘之車也闕車所用補闕之車革猶屏也所
用對敵自蔽隱之車也輕車所用馳敵致
師之車也五者之制及萃數未盡聞也 孔氏曰

飭齊正也

長樂劉氏曰戎車既飭者謂旬出乘車必簡閱其車甲牛馬士卒干戈以為精強也

王氏曰駢駢者馬之強而有節也 鄭氏曰戎車

之常服韋弁服也

孔氏曰所乘四馬皆強壯乃載是常戎戎韋弁之服以出征也司服

云凡兵事韋弁服注云韋弁以韎韋為弁又以為衣春秋晉郤至衣韎韋之跗注是也周禮云韋弁皮弁服皆素裳白舄以淺赤韋為弁又以為衣白素裳白舄也 朱氏曰孔甚也 毛

氏曰熾盛也 鄭氏曰于曰也

董氏曰爾雅以于為曰則王于者謂王曰

也如下章王于出征以佐天子豈王自征而又佐天子乎 李氏曰按左傳樂武子曰楚自克庸以來其

君無日不討國人而訓之于民生之 匡正也記六月不易杜元凱以于為日與此正同

者當夏出兵明其急也

李氏曰司馬法云冬夏不興師宣王六月出師以獵狁侵

伐不得已也

王曰今女出征獵狁以正王國封畿

孔氏曰言王國

以率土之濱莫非王臣要服之內是王國之封畿也

比

毗志反

物四驪閑之維則維此六月既成我服我服既

成于三十里王于出征以佐天子

釋文曰比齊同也 毛氏曰物毛物也

孔氏曰夏官校人云凡大

事祭祀朝觀會同毛馬而頌之凡軍事物馬而頌之
注云毛馬齊其色物馬齊其力傳以直言物則難解
故連言毛物以曉人也然則比物者比同力之物

蘇氏曰既比其物而又

四驪言馬有餘也

孔氏曰戎車齊比尚強不敢同色
而言四驪者雖以齊力為主亦不

厭其同色也故曰駟驂彭彭又曰乘其四騏田獵齊
足而曰四黃既駕是皆同色也無同色者乃取異毛
耳騏驎是中騏驎是驂是也長樂劉氏曰閑習之久則進退馳驅

不失其則言其教閱有素也鄭氏曰服戎服也

毛氏曰師行三十里

漢文帝詔曰吉行五十里師行
二十里前漢律歷志武王伐

紂師初發以殷十月戊子日在析木箕七度故傳曰
日在析木是夕也月在房五度房為天駟故傳曰月

在天駟戊午渡于孟津孟津去周九
百里師行三十里故三十一日而度

鄭氏曰王曰

今女出征伐以佐助我天子之事 王氏曰比物四

驪閑之維則者既言駟牡駢駢矣又追本其比物而

閑之之事以美之也維此六月既成我服者既言載

是常服矣又追本其成服之時以美之也 朱氏曰

是月之中即成我服既成我服即日遂行不徐不疾

盡舍而止又見其應變之速從事之敏而不失其常

度也 長樂劉氏曰所以出征者以佐天子鎮撫四

塞安中國非小事也

四牡脩廣其大有顙

王容反

薄伐玁狁以秦膚公有嚴有

翼共

音恭

武之服共武之服以定王國

毛氏曰脩長廣大也顙大貌秦薦膚大公功也嚴威

嚴也翼敬也

蘇氏曰有嚴有翼言將帥之德也

朱氏曰共與供同

鄭氏曰服事也

呂氏曰上三

章皆言自治之備

范氏曰凡兵事莫尚於嚴莫先

於敬共武之服者如此則足以定王國矣

獫狁匪茹

反如豫

整居焦穫

音護侵鎬

胡老反

及方至于涇陽

織

音志

文鳥章白旆央央

反於良

元戎十乘

反繩證

以先啓行

戶郎

鄭氏曰茹度也整齊也

蘇氏曰整居言無憚也

毛氏曰焦穫周地接于獫狁者

爾雅曰周有焦穫郭璞曰今扶風池陽

縣瓠中是也

孫炎曰周岐周也以焦穫繼岐周言之則於鎬京為西北矣

鄭氏曰鎬

也方也皆北方地名

孔氏曰鎬王肅以為鎬京王基駁曰據下章云來歸自鎬我行

永久言吉甫自鎬來歸猶春秋公至自晉公至自楚也長安洛陽代為帝都而濟陰有長安鄉漢有洛陽

縣此皆與京師同名者也 前漢書劉向疏曰吉甫之歸周厚賜之其詩曰來歸自鎬我行永久千里之鎬猶以為遠顏師古 涇陽涇水之北孔氏曰水北曰陽 孔

氏曰織史記漢書謂之幟幟與織字雖異音實同也

毛氏曰鳥章錯革鳥為章也

孔氏曰錯置也革急也畫急疾之鳥隼是

也獨言鳥章者百官建旗舉百官所以統其餘也

白旆繼旒者央央鮮明貌

孔氏曰旆繼旒垂之云白旆繼旒者旆與旆古今字也此旌而言旒者散則通名鄭氏曰織徽織也將帥以下衣皆著焉 孔氏曰徽織者自王以下其制如所建旌旂而畫之其象但小耳以絳為綵各畫其章又絳為旒書名于末為徽織以著于衣司常掌九旗之物名各有屬注云物名者所畫異物則異名也

屬謂徽纆也大傳謂之徽號今城門僕射所被及亭長者絳衣皆其舊象也士喪禮曰為銘各以其物也則以緇長半幅鎮末長終幅廣三十書名於末此蓋其制也兵凶事若有死者交以相別也死之銘旌即生之徽纆元大也夏后氏曰鈎車先正也殷曰寅車先疾

也周曰元戎先良也

孔氏曰司馬法文也先疾先良傳因名以解之元戎大車之善

者故云先良也

王氏曰軍前曰啓後曰殿元戎十乘以先

軍行之前者所謂選鋒也兵法兵無選鋒曰比

史記三王

世家云虛御府之藏以賞元戎注詩云元戎十乘以先啓行韓嬰章句曰元戎大戎謂兵車也車有大戎十乘謂車綬輪馬被甲銜扼之上畫有劔戟名曰陷軍之車所以冒突先啟敵家之行伍也

長

樂劉氏曰言玃狖不度其力輕侮天子整居焦獲又
侵于鎬并進于方未已也遂至於涇陽觀其賊鋒可
謂孔急矣安得不飭勵我師以攘斥之乎 朱氏曰
是以建旌旗選鋒銳進聲其罪而致討焉直而壯律
而臧有所不戰戰必勝矣 釋文旆作旂曰本又作
旆 東萊曰日月為常交龍為旂之類皆幟之文也
烏章特其一爾詩之所指乃所建之旂鄭氏所箋乃
所服之號初非一物以其古之軍制故附見焉

戎車既安如輕

竹二反

如軒四牡既佶

其乙反

既佶且閑薄

伐獫狁至于大

音泰

原文武吉甫萬邦為憲

朱氏曰輕車之覆而前也軒車之却而後也

後漢書馬援疏

云居前不能令人輕居後不能令人軒注言為人無所輕重也

鄭氏曰佶壯健之

貌朱氏曰大原地名亦曰大鹵今在大原陽曲

毛氏曰文武有文有武也吉甫尹吉甫也鄭氏曰

此時大將也毛氏曰憲法也孔氏曰戎車既安

正矣從後視之如輕從前視之如軒是適調也四牡

既壯健矣且復開習

范氏曰凡兵之動莫善於馬之良故一章曰四牡騤騤二章曰比

物四騤開之維則三章曰四牡脩廣其大有顯五章曰四牡既佺既佺且閑

毛氏曰薄

伐獫狁至十太原言逐出之而已

呂氏曰治戎有備車馬安閑驅之出

境而不窮追也內侵至于涇陽

前漢書嚴尤曰當周宣王時獫狁命將征之盡境而還其視戎狄之侵

譬猶蟲蝨之螫毆之而已

王氏曰能伐敵而攘之則吉甫之力

於是美之曰文武吉甫萬邦為憲非文無以附衆非

武無以勝敵能文能武則萬邦以為法也

吉甫燕喜既多受祉來歸自鎬我行永久飲

於禁御諸

友魚

白交反

鼈

卑滅反

膾

古外反

鯉侯誰在矣張仲孝友

毛氏曰祉福也御進也 范氏曰諸友王之諸臣也

王以羣臣為友 毛氏曰侯維也張仲賢臣也善父

母為孝善兄弟為友使文武之臣征伐與孝友之臣

處內 鄭氏曰吉甫既伐玁狁而歸天子以燕禮樂

之又多受賞賜也王以吉甫遠從鎬地來又日月長

久故飲之酒 孔氏曰進諸友與俱飲以盡其歡

鄭氏曰魚鼈膾鯉又加其珍美之饌所以極勸之也

孔氏曰燕禮其牲狗天子之燕不遇有牢牲魚鼈非常膳故云加之

陳氏曰於諸友

之中維誰在矣獨舉其孝友之賢者曰張仲以顯孝友之臣處內 范氏曰宣王使吉甫征伐而與張仲

居朝所以輔其德也苟無孝友忠信之臣養君之心則雖征伐有功於外而不善之政將出於內朝廷心

腹也戎狄四支也故孝友之臣日納王於善而敦厚

之然後戎狄可攘而外患可除矣

王氏曰吉甫為將於外而內無忠順

之臣與之同志者輔王耳目而迪其心則妨功害能之人至矣妨功害能之人至則若吉甫者其身之不

闕何服議
勝敗哉

東萊曰酒誥曰矧大史友內史友君固

以臣為友也蓋其親近者也

六月六章章八句

采芑

起音

宣王南征也

孔氏曰上言伐此云
征便辭爾無義例也

薄言采芑于

彼新田于此菑

側其反

畝方叔涖

利音

止其車三千師干之

試方叔率止乘其四騏四騏翼翼路車有奭

許力反

簟弗

弗音

魚服鉤膺絳革

毛氏曰興也

程氏曰薄言發語辭

毛氏曰芑菜

也

陸璣草木疏曰芑菜似苦菜也莖青白色摘其葉白汁出脆可生食亦可蒸為茹青州人謂之芑西

河雁門芑尤美胡人戀之不出塞朱氏曰此即今苦蕒菜宜馬食軍行采之人馬皆可食也田

一歲曰菑二歲曰新田三歲曰畬

孔氏曰釋地文菑者災也孫炎曰菑

始災殺其草木也新田新成柔田也畬和也田舒緩也郭璞曰今江東呼初耕地反草為菑是方叔

卿士也受命而為將也泣臨也鄭氏曰兵車一乘

甲士三人步卒七十二人

長樂劉氏曰其車三千則為甲士九千步卒二十萬

六千蘇氏曰其車三千以荆蠻強盛不得不爾耶朱氏曰其車三千孔氏以為兼起鄉遂公邑之兵

王氏謂會諸侯之師此皆以文害辭辭害意之過詩人但極其盛而稱之耳豈必實有此數哉程

氏曰師干猶今云兵甲也

長樂劉氏曰師衆也干楯也言楯則戈矛弧矢在其

中試肄習也

鄭氏曰率者率其戎車士卒而行也

孔氏曰方叔自乘其四騏之馬翼翼然甚壯健

朱氏

曰翼翼順序貌

鄭氏曰璵赤貌

蘇氏曰路車金路也金

路亦飾

孔氏曰璵彼洛矣韞韞有璵彼茅蒐染為璵故知赤貌也

孔氏曰其車

以方文竹簟之席為之蔽飾魚服解見采薇 鄭氏

曰鉤膺樊纓也

孔氏曰中車五路惟金路有鉤以金為之馬額之飾也在馬膺之飾惟有

樊纓故引樊纓以解膺樊今馬大帶纓今馬鞅方叔不乘革路者以革路臨陣所乘 絳革解見

蓼蕭 程氏曰采芑于新田蓄畝皆地方盛處

毛氏曰宣王能新美天下之士然後用之

鄭氏曰士軍士也

張氏曰采芑新田言豈徒治田習陣法也 呂氏曰因治田而講武事古之法皆然如六月云我服既成

于三十里與駿發爾私終三十里之義同畎澮溝洫之法即行伍營陣也 呂氏曰涖止

則布其行陣故止曰其車三千率止則作而用之故

言其車馬之盛服飾之美 釋文涖作莅曰本又作

涖

薄言采芑于彼新田于此中鄉方叔涖止其車三千旂

旒央央方叔率止約軼

祈支反

錯衡八鸞瑒瑒

七羊反

服其

命服朱芾

音弗

斯皇有瑒葱珩

音衡

蘇氏曰中鄉民居在焉故其田尤治

鄭氏曰文龍

為旂龜蛇為旒

董氏曰旂諸侯所建也旒縣鄙所建也

九旂之物太常王所建

建旌旌象輅

木輅所建其諸臣之旗旂為上旒為下此言上下所建則餘得兼舉矣

毛氏曰軼長

轂之軼也朱而約之

孔氏曰說文云軼長轂朱而約之謂以皮纏之而上加以朱漆

也錯衡文衡也

孔氏曰錯者雜也雜物在衡是有文飾其飾之物注無云焉

孔

氏曰四馬八鸞

朱氏曰鈴在鑣曰鸞馬口兩旁各一四馬故八也

毛氏曰

瑯瑯聲也

朱氏曰命服所受命於天子之服

長樂劉氏

曰方叔出率則王命加等

毛氏曰朱芾黃朱芾也

孔氏曰斯干傳云天子純

朱諸侯

皇猶煌煌也瑯瑯聲也葱蒼也三命葱珩

李氏

曰葱珩乃蒼玉之珩也

朱氏曰葱如葱之色

孔氏曰玉藻云三命赤黻葱珩三命至九命皆葱珩非

謂方叔唯三命也

程氏曰其行也受服章之尊美言付之

重

長樂劉氏曰始行之時具命服與其芾佩所以示衆也

劉氏曰或曰吳起可謂知戰矣親與士卒

最下者同其甘苦曰是何足以言知戰也子見夫乞人乎呼號偃仆乎康莊之間其聲可哀也不若是不足以存其身若乃家丈人者五十可以衣絲七十可以食肉子孫奉之耳父母之仇不共天下兄弟之仇

不與共國非虛加之也然後稱于人情視民如子者
民報之如父母視民如弟者民報之如兄無所仇云
爾有則爭先致力焉子弟豈待父兄已均其苦然後
為用哉故用民者矯之以身徇之以愛濟之以術苟
一時之勝而已矣惡可以久也詩云服其命服朱芾
斯皇八鸞瑤瑤道上不失其度下不失其節也駕彼
四牡四牡騤騤君子所依小人所腓君子之所
依而小人以為已腓安在其毀上下之節哉

釋

文有瑒作有創曰本又作瑒

駘

惟必反

彼飛隼其飛戾天亦集爰止方叔涖止其車三

千師干之試方叔率止鉦

音征

人伐鼓陳師鞠旅

居六反

旅顯

允方叔伐鼓淵淵振旅闐闐

徒顛反

孔氏曰駢駢然而集也 陸氏草木疏曰隼鷃屬也

或謂之雀鷹春化為布穀者是也 毛氏曰戾至也

鄭氏曰爰於也三稱其車三千者重師也 毛氏

曰鉦以靜之鼓以動之伐擊也 鄭氏曰鉦也鼓也

各有人焉言鉦人伐鼓互言爾

孔氏曰說文云鉦鏡也似鈴柄中上下通

然則鈴即周禮之鏡也說文又曰鐻鉦也鏡也則鐻鏡相類俱得以鉦名之故鼓人注云鐻鉦也形如小

鐘是鐻亦名鉦也鐻似小鐘鏡似鈴是有大小之異耳凡軍進退皆鼓動鉦止非臨陣獨然此文在陳師

鞠旅之上是未戰時事也董氏曰周官田鳴鐻且却聞鉦而止則鉦鏡二物也但司馬有鐻鏡鐸而不

言鉦故前世疑之崔靈恩集注謂鉦人伐鼓則勇於進也今詩謂陳師鞠旅則未戰矣安得鉦人為擊鼓使進哉就此則亦亂於軍制矣

二千五百人為師五百人為旅

毛氏曰鞠告也

鄭氏曰陳師告旅亦互言之

孔氏曰顯允明信

也毛氏曰淵淵鼓聲也

鄭氏曰謂戰時進士衆王氏曰淵淵深也師衆

則鼓遠鼓遠則聲深矣

入曰振旅復長幼也

孔氏曰古者春秋振旅秋教治兵以

戰是大事又三年一教隱五年左傳曰三年而治兵入而振旅是征伐之時出軍至對陣用治兵禮戰止至還進用振旅法名異而禮同也釋文云出為治兵尚成武也入為振旅反尊卑也孫炎曰出則幼賤在前貴勇力也入則尊老在前復常法也長尊出入先後不同而去禮一者坐作歸退如一也

鄭

氏曰戰止將歸又振旅伐鼓闐闐然

董氏曰闐闐其衆行聲也

程氏曰此章言雖將之才士之衆且勇進退得宜趨舍有節言隼之急疾亦集於所止興兵雖強用之有節而不過也其伐鼓也淵淵乎和不暴怒其振旅也

鼓聲闐闐整緩之狀

又曰振旅之行亦以鼓止行則以鉦

董氏曰集

注作伐鼓蕭蕭說文引字同此闐闐說文引詩作振

旅嘒嘒

蠢

尺允反

爾蠻荆大邦為讎方叔元老克壯其猶方叔率

止執訊

音信

獲醜戎車嘽嘽

吐反

嘽嘽煇煇

吐雷反

如霆如

雷顯允方叔征伐獫狁蠻荆來威

毛氏曰蠢動也

孔氏曰釋詁文也

釋訓云不遜也

程氏曰蠢

動而無義蠢荆州之蠻也

王氏曰經或言蠻或言荆楚

春秋之初日荆而已後乃曰

楚

朱氏曰大邦猶言中國也

毛氏曰元大也

李氏

曰毛氏謂五官之長出於諸侯曰天子之老亦不如此說但方叔為一時大老耳

鄭氏曰

猶謀也執訊獲醜解見出車

毛氏曰嘽嘽衆也煇

煇盛也爾雅曰疾雷為霆

郭璞曰雷之急疾者謂霹靂

程氏曰

卒章言成功因言其致伐之由蠢爾之蠻乃與大邦

為讎方叔克壯其猷

朱氏曰方叔元老克壯其猶言方叔雖老而謀則壯也

故

征而執獲戎車之盛如霆如雷

朱氏曰方叔蓋嘗

與北伐之功者是以蠻荆聞其名而皆來畏服也

前漢書劉歆廟議引詩曰嘽嘽推推如霆如雷

采芑四章章十二句

車攻宣王復古也宣王能內脩政事外攘

如羊反

夷狄復

文武之竟

音境

土脩車馬備器械

戶戒反

復

扶又反

會諸侯於

東都因田獵而選車徒焉

朱氏曰周之文武以天保以上治內以采薇以下治外而

宣王中興其事亦曰內脩政事外攘夷狄而已無二道也苟政事之不脩而囂囂然務以外攘夷狄為功亦見其弊內以事外而適所以為亂亡之資也此詩所賦自脩車馬備器械以下其脩政事攘夷狄則前乎此矣東都洛邑也周公營之而成王會諸侯焉李氏曰成王有岐陽之蒐亦如宣王之會諸侯而與之田獵也

車既攻我馬既同四牡龐龐

反鹿同

駕言徂東

毛氏曰攻堅也

程氏曰攻謂堅治五工皆言攻則攻者治也

董氏曰考工記治而成其

良政曰攻同齊也宗廟齊毫尚純也

孔氏曰齊其毫毛尚純色

戎事齊

力

孔氏曰齊其馬力

尚強也田獵齊足

孔氏曰齊其馬足

尚彥也龐

龐充實也

董氏曰按字書訓釋說文竝以龐為高屋蓋馬之高大也

東洛邑也

呂氏曰言備車馬以如東都也

田車既好四牡孔阜東有甫草駕言行狩

孔氏曰田車田獵之車好善也阜盛大也

程氏曰阜謂肥壯

毛氏曰甫大也田者大艾草以為防

孔氏曰大艾殺草以為防

限作田獵之場殺圍之處

或舍其中

孔氏曰未田之前誓士戒衆在其間止舍也

褐纒

旃以為門

孔氏曰其防設周衛而立門以然毛褐布纒通帛旃之竿以為門之兩傍其門蓋南

開竝為二門用四旃四褐也

裘纒質以為執

孔氏曰以裘纒樞質以為門中之闌闌車

軌之裏兩邊約車輪者也名概魚列反

間容握

孔氏曰門之廣狹兩地相去旃竿之間各容一

握積人四指為四寸是門廣于軸八寸也驅而入

孔氏曰馳走而入門不得徐也周禮大司馬仲

冬教大閱言叙和出此言驅自入不同者此據質明時初入和門既入同在者也之中將以教戰也禮畢

當從是以出田故苗出為左右與此終始各舉其一繫則不得入

孔氏曰其軸頭繫著門傍

旃竿則不得入左者之左右者之右

孔氏曰以天子六軍乎為左右

雖同舍防內令三軍各在一方其屬左者之左門屬右者之右門不得越離部伍

然後焚而

射焉

孔氏曰教戰既畢士卒出門乃驅禽納之於防然後焚此防草而射之焚所艾之草也

天

子發然後諸侯發諸侯發然後大夫發

孔氏曰發矢射之也

天

子發抗大綏諸侯發抗小綏獻禽於其下

孔氏曰舉綏為表因

獻其禽於下也

故戰不出頃

孔氏曰戰場有頃數戰者不出其頃界

田不出防

孔氏曰田不出所芟之防

不逐奔走

孔氏曰謂出於頃防者不逐之

古之道也

孔氏曰東都之界有廣大之草可以就而田獵後

漢書注曰韓詩云東有圃草駕言行狩薛君傳曰圃

搏也有搏大之茂草也

之子于苗選徒囂囂

五刃反

建旒設旒搏

音搏獸于敖

毛氏曰之子有司也

朱氏曰不敢斥王故以有司言也

夏獵曰苗

孔氏

曰此時宣王為夏田也上云駕言行狩狩者是獵之總名長樂劉氏曰大司馬中夏教芟舍遂以苗田

張氏曰蒐苗獮狩便習軍行草木間事教芟舍亦然囂囂聲也維數車徒者

為有聲也

孔氏曰在軍不得謹譁而云囂囂之聲故知唯數者為有聲朱氏曰選數也囂囂

聲衆盛也數車徒者其聲囂囂則車徒之衆可知且車徒不譁而惟數者有聲又見其靜治也孔

氏曰建立旂於車而設牛尾於旂之首鄭氏曰教

鄭地今近滎陽孔氏曰此章言選車徒備器械搏

獸于教謂當往搏取禽獸於教地未實行也東萊

曰教山名晉師救鄭在教郊之間士季設七覆于教

前則教山之下平曠可以屯兵翳薈可以設伏謂
東有甫草即此地也宣王之往東都以會諸侯為主
因田獵以選車徒而二章三章先言田獵者蓋有司
先為戒具以待會同畢而田獵也

駕彼四牡四牡奕奕赤芾金舄

音會同有繹亦

朱氏曰奕奕連絡布散之貌 毛氏曰諸侯赤芾金

舄舄達屨也

鄭氏曰金舄黃朱色也 孔氏曰加金為舄故謂之金舄 天官屨人注云舄有

三等亦舄為上冕服之舄下有白舄黑舄達屨者白舄黑舄猶有在其上者為尊未達其赤舄則所尊者

莫之過故云達屨言是屨之最上達者也此鳥也而曰屨屨鳥通名王氏曰諸侯人君宜朱芾而此赤芾者會同故也泣其臣度則朱芾君道也故方叔服其命服則朱芾會同於王則赤芾臣道也故此會同有繹則時見曰會殷見曰同朱氏曰繹陳列聯屬赤芾也

之貌

毛氏曰繹陳也王氏曰繹者言其屬連而不絕若繹絲然也

孔氏曰復會

諸侯於東都此章是也毛氏曰駕彼四牡四牡奕

奕言諸侯來會也長樂劉氏曰赤芾金鳥者服其

命服以見王也來會同之國非一故絡繹不絕也

決拾既次

音次

弓矢既調射夫既同助我舉柴

子智反

毛氏曰決鈎弦也拾遂也

孔氏曰決著於右手大指所以鈎弦開體遂著於左

臂所以遂弦周禮繕人注云決天子用象骨拾鐃扞也著左臂裏以韋為之長樂劉氏曰決謂護大指

以鈎弦者也拾謂護左臂以利弦也

鄭氏曰次謂以手指相次比也

調謂弓強弱與矢輕重相得 孔氏曰此章承諸侯

之下射夫即諸侯以下也夫男子之總名 毛氏曰

柴積也

鄭氏曰謂積禽也

孔氏曰決之與拾既與手指相

比次而和利矣弓之與矢既強弱相得而調適矣

毛氏曰同謂同力如此故獲多 朱氏曰使諸侯之

人助而舉之言獲多也 說文曰紫積也詩曰助我

舉紫 東萊曰此章以下言既會同而田獵也

四黃既駕兩驂不倚

反於寄

不失其馳舍

拾音

矢如破

孔氏曰四黃之馬

程氏曰不倚不偏倚也

王氏曰
倚不正

也

朱氏曰馳驅之法也

長樂劉氏曰謂能
應五御之法也

鄭

氏曰射者之工矢發則中如椎

直追反

破物也

王氏

曰向曰四牡則既言力之強今曰四黃則又言色之

純也兩驂不倚言御之能正其馬也不失其馳言車

行節而法也舍矢如破言矢行巧而力也 孟子曰

王良曰吾為之範我馳驅終日不獲一禽為之詭遇

一朝而獲十詩云不失其馳舍矢如破

蘇氏曰不善射者為之詭

遇則獲不然則不能中使御者不失其馳而舍矢如破然後為善射也

蕭蕭馬鳴悠悠旆旌徒御不驚大庖

蒲茅反

不盈

朱氏曰徒步卒也

孔氏曰釋訓云徒御不驚輦者也輦人挽行所以載任器也止以為

蕃御車御也驚如漢書夜軍中驚之驚 孔氏曰大

庖君之庖 毛氏曰蕭蕭馬鳴悠悠旆旌言不謹謹

也孔氏曰言軍旅齊肅唯聞蕭蕭然馬鳴之聲見悠悠然旆旌之狀無有譁諱者朱氏曰蕭蕭悠悠

皆閒暇之貌張氏曰三十二里萬夫之地亦軍行之法故曰居谷滿谷居山滿山每方百步一人故曰

蕭蕭馬鳴悠悠旆旌遇則當之者聚而攻之守

之一車止則七十五人聚二車以上即依此

董

氏曰徒御不驚則號令有素矣

王氏曰武久不講士氣惰怯則有事而善

驚故於是言徒御不驚

朱氏曰大庖不盈言擇取而用之有

度不極欲也

張氏曰大庖不盈者其饌雖多而無餘蓋由均及於衆而有法爾凡事有法則

何患乎不均

此言畢事而頒禽也

毛氏曰一曰乾豆孔氏

曰謂第一上殺者乾足以為豆實供宗廟也

二曰賓客

孔氏曰謂第二殺者別之以待賓客

也 三曰充君之庖

孔氏曰謂第三下殺者取之以充實君之庖厨也

故自左

髀

釋文曰何休注公羊自左髀射之達於右膈中心死疾鮮潔也

射右耳本次之

孔氏

曰箋云射當為達亦自左射之達右耳本而死者為次殺以其遠心死稍遲肉已微惡

射左髀

釋文曰方余反謂股外

達于右髀

餘統反

為下殺

孔氏曰射左股髀而達過於右

脅髀為下殺以其中脅死最遲肉又益惡凡射獸皆逐後從左廂而射之

面傷不獻踐毛

不獻

孔氏曰面傷謂當面射之踐毛謂在傍而逆射之不獻者嫌誅降之意

不成禽不

獻

孔氏曰惡其害幼小

禽雖多擇取三十焉其餘以與大夫士

以習射於澤宮田雖不得禽射中則得取禽古者以

辭讓取不以勇力取

孔氏曰以大獸公之非復已物君賜使射故非中不取言向者

田獵所取用勇力今射者禮樂所取用辭讓也

之子于征有聞

音問

無聲允矣君子展也大成

鄭氏曰允信展誠也

孔氏曰君子宣王也

程氏

曰有聞無聲聞師之行而不聞其聲

鄭氏曰晉人伐鄭陳成子救之

舍於柳舒之上去穀七里穀人不知所謂有聞無聲

言至肅也

朱氏曰信矣

其君子也誠哉其大成也此章序其事既畢而深美

之也

車攻八章章四句

吉日美宣王田也能慎微接下無不自盡以奉其上焉

程氏曰宣王將田而卜吉日見其慎微詩人因美吉日
之更稱其接下得羣下之自盡詩中所陳是也

維戊既伯既禱

丁老反

田車既好四牡孔阜升彼大阜從

其羣醜

鄭氏曰戊剛日也

長樂劉氏曰田之前二日也

朱氏

曰以下章推之是日也其戊辰與

毛氏曰伯馬祖也

孔氏曰釋文云既伯既禱

馬祭也故知馬祖謂之伯伯者長也馬之社始是長也夏官校人春祭馬祖注云馬祖天駟釋文云天駟

房也孫炎云龍為天馬故房四星謂之天駟

蘇氏曰孔阜甚盛大也大阜

大陵阜也

劉氏曰醜衆也從禽獸之羣衆也 毛

氏曰重物慎微將用馬力必先為之禱其祖 董氏

曰車牢馬健可以歷險從禽獸之衆蓋曰可以田矣

釋文禱作禱

吉日庚午既差我馬獸之所同麇

於尤反

鹿麇麇

五矩反

漆

沮

七徐反

之從天子之所

孔氏曰庚午亦剛日也

毛氏曰外事以剛日差擇

也 鄭氏曰同猶聚也 吳氏曰鹿牝曰麀麀麀衆

多也漆沮皆水名 蘇氏曰漆沮在渭北所謂洛水

也

李氏曰書疏云漆沮在涇水之東一名洛水即方氏所謂雍州其浸洛汭非河南之洛也

毛

氏曰戊日祭禱庚午于田 孔氏曰漆沮麀鹿所生

也漆沮驅禽而至天子之所

孔氏曰以驅逆之衆驅之於漆沮之傍從彼以

至天子之所

程氏曰漆沮之從天子之所悉率左右以

燕天子言羣下盡力奉上 說文麀作麀曰麀鹿羣

口相聚也

瞻彼中原其祁孔有儻儻

表嬌反

俟俟

音士

或羣或友悉率

左右以燕天子

毛氏曰祁大也趨則儻儻行則俟俟獸三曰羣二曰

友蘇氏曰燕樂也孔氏曰視彼中原之野其諸

禽獸大而甚有趨者有行者或三三為羣或二三為

友朱氏曰從王者視彼禽獸之多於是率其同事

左右之人各共其事以樂天子也說文引詩曰伋

伋俟俟

董氏曰韓詩作伋伋驂驂

既張我弓既挾

子洽反

我矢發彼小豝

巴音豝

於計反

此大兕

子姁反

以御賓客且以酌醴

豝解見騶虞

毛氏曰殪一發而死

朱氏曰兕野

牛也青色重千斤御進也

毛氏曰饗醴天子之飲

酒也

孔氏曰醴不可專飲天子之於羣臣不徒設醴左傳天子饗諸侯每日饗醴命之有舉醴言之

也周官五齊二曰醴蓋注醴成而汁滓相將如今甜酒矣

李氏曰既逐獸矣於

是張弓挾矢而射之

毛氏曰發彼小豝殪此大兕

言能中微而制大也

孔氏曰小豝云發言發則中之大兕言殪言射著即死

鄭氏曰以所獲為俎實酌而飲羣臣也 程氏曰以
御賓客且以酌醴道宣王接下之誠意也 東萊曰
車攻吉日皆以蒐狩為言何也蓋蒐狩之禮所以見
王賦之復焉所以見軍實之盛焉所以見師律之嚴
焉所以見上下之情焉所以見綜理之周焉欲明文
武之功業者觀諸此足矣

吉日四章章六句

鴻雁美宣王也萬民離散不安其居而能勞

力報反

來

力代

反
還定安集之至於鰥寡無不得其所焉

王氏曰宣王之民勞者勞

之來者來之往者還之擾者定之危者安之散者集之鴻雁于飛肅肅

所六反其羽

之子于征劬

其俱反

勞于野爰及矜

棘米反

人哀此鰥寡

毛氏曰興也大曰鴻小曰雁

孔氏曰鴻雁俱是水鳥其形鴻大而雁小春則

避陽暑而北秋則避陰寒而南肅肅羽聲也 歐陽氏曰之子使臣

也 朱氏曰征行也 毛氏曰劬勞病苦也矜憐也

蘇氏曰矜人人之可憐者也 毛氏曰老而無妻

曰鰥偏喪曰寡皆可憐者 蘇氏曰厲王之後人民

離散譬如鴻之飛四方無所不往徒聞其羽聲肅肅
未知所止也 長樂劉氏曰宣王憂勤於上則使者
劬勞於野不敢遑寧焉爰及可矜之人鰥寡孤獨皆
得其養以天子哀困窮為急務也 東萊曰還定安
集之政必不遺窮民然後為至故曰爰及矜人哀此
鰥寡爰及者不遺之辭也孔氏謂既安集萬民然後
及之則誤矣文王發政施仁必先斯四者

鴻雁于飛集于中澤之子于垣

音表

百堵

丁古反

皆作雖則

劬勞其究

九反

又安宅

毛氏曰中澤澤中也

孔氏曰垣牆也

毛氏曰一

丈為板五板為堵

鄭氏曰春秋傳曰五板為堵五堵為雉雉長三丈則板六尺

朱氏曰究終也

鄭氏曰鴻雁之性安居澤中今飛

又集於澤中猶民去其居而離散今見還定安集

蘇氏曰使者所至招來流民使反其都邑築其墻垣

而安處之

鄭氏曰徵民起屋舍築牆壁百堵同時而起

鄭氏曰雖則劬

勞其究安宅此勸萬民之辭女今雖病勞終有安居

孔氏曰欲使
不憚勞也

鴻雁于飛哀鳴磬磬

五刀反

維此哲人謂我劬勞維彼愚

人謂我宣驕

毛氏曰宣示也

范氏曰憂民之未得安集故曰哀

鳴磬磬我所以勤而勞來之也 王氏曰維此哲人

謂我劬勞者以我于征于垣為劬勞也維彼愚人謂

我宣驕者以我矜憐撫奄為宣驕也

又曰民皆離散而不安其居必

矜之甚深哀之甚切不爾則無告之民不足以自存矣哲者所懷有同於我是以知吾之劬勞愚者謂我

宣驕而姑息於民而已
蘇氏曰興廢補敗不能自靖不知者以為宣驕耳

東萊曰此

非以不知為愠蓋深嘆此心知之者鮮也當時君臣其於民惻怛深厚如此斯其所以中興與

鴻雁三章章六句

庭燎

力召反

美宣王也因以箴之

金反

之

董氏曰傳曰百官箴王闕此詩其

同烜之屬
所為乎

程氏曰天下之事貴乎得中而可常是之謂宜苟以意之所欲而已靡不勤於始而怠於終故其進銳者

其退速宣王之於始不守法以治盡其力以勤於事

固可知其不能於終也此所以方美其勤而遂以箴

之也

陳氏曰君子有四時朝以聽政晝以訪問夕以脩令夜以安身於是乎節宣其氣勿使有壅閉

湫底以露其體然後能有常而不變

孔氏曰此言美而箴之以下規

誨為衰失之漸置斯干無羊於末見終善以隱之

夜如何其

音基

夜未央庭燎之光君子至止鸞聲將將

七羊

反

孔氏曰其語辭

勃海胡氏曰說文云央中央也廣

雅云央極中也秦風云宛在水中央央亦中也二章

云未艾三章云鄉晨是從未央而至未盡從未盡而

至鄉明也

孔氏曰毛傳言央旦者旦是夜屈之限言未央者謂夜未至旦非謂訓央為旦故王

肅曰央旦未旦夜半是也

毛氏曰庭燎大燭也

孔氏曰庭燎者樹之於庭燎之

為明司烜云邦之大事供蕢燭庭燎樹於門外曰大燭門內曰庭燎郊特牲曰庭燎之百由齊桓公始也

注云僭天子也庭燎之差公蓋五十侯伯子男皆三十是天子庭燎用百古制未得而聞要以物百枚并

而纏束之今則用松葦竹灌以脂膏也釋文曰在地曰燎執之曰燭

王氏曰設庭

燎者謂將朝也光者燎盛也晰晰則其衰也輝則其

光散矣 毛氏曰君子謂諸侯也將將鸞鑣聲也
蘇氏曰宣王將視朝不安於寢而問夜之早晚曰
夜如何矣則對曰夜未央庭燎光朝者至而聞其鸞
聲矣

夜如何其夜未艾

音庭燎 晰晰之世

君子至止鸞聲噦

噦呼會反

王氏曰未艾者未及盡也

李氏曰左傳秦后子曰一世無道國未艾也注曰盡

也則艾為盡意

朱氏曰晰晰小明也

毛氏曰噦噦徐行

有節也

朱氏曰噦噦近而聞其徐行有節之聲也

說文曰鉞車鑾聲也

從金戊聲詩曰鑾聲鉞鉞

徐鉉曰今俗作噦以鉞作斧戊之戊非是呼會切

夜如何其夜鄉

許亮反

晨庭燎有輝

音暉

君子至止言觀其

旂

音祈

朱氏曰鄉晨近曉也有輝天明而光散也 鄭氏曰

上二章聞鸞聲爾今夜鄉明見其旂是朝之時也朝

禮別色始入 東萊曰宣王將朝而屢問其志雖勤

然未能安定凝止躍然有喜事之心焉斯其所以不

能常也

庭燎三章章五句

沔反

縣善

水規宣王也

鄭氏曰規者正圓之器也春秋傳曰近臣盡規

孔氏曰物有不圓

匪者規之使成圓人行有不周者規之使周備是匡諫之名

沔彼流水朝

反

直遙宗子

海駘

惟必反

彼飛隼

息尹反

載飛載止嗟我兄弟邦人諸友

莫肯念亂誰無父母

毛氏曰興也 孔氏曰沔然而滿者彼流水也 鄭

氏曰諸侯春見天子曰朝夏見曰宗隼解見采芑

鄭氏曰載則也兄弟邦人諸友同姓異姓之諸侯

孔氏曰水之趨海猶諸侯之朝天子 歐陽氏曰駢

彼飛隼載飛載止者言諸侯之來者如隼之或飛或

止其或來或不來不可常 東萊曰諸侯之於天子

如沔水之朝宗其常理也所以如飛隼載飛載止去

來不常者其必有所以矣嗟我兄弟邦人諸友固皆

願安寧莫肯念亂况誰無父母豈不顧惜乎然則其

未服者盖必有甚不得已也此深規宣王使之自反

也

河彼流水其流湯湯

失羊反

駝彼飛隼載飛載揚念彼不蹟

升亦

反載起載行心之憂矣不可彌

弭民反

忘

音亡

鄭氏曰湯湯波流盛貌

毛氏曰不蹟不循道也弭

止也其流湯湯言放縱無所入也載飛載揚言無所

定止也 孔氏曰念彼不循道之諸侯 李氏曰載

起載行言其起居之不忘也不可弭忘言心之憂而

不可忘也此皆作詩者憂之

駢彼飛隼率彼中陵民之訛言寧莫之懲我友敬矣讒
言其興

鄭氏曰率循也訛偽也 毛氏曰懲止也 鄭氏曰

隼飛循陵阜者是其常也喻諸侯順法度者 李氏

曰當時諸侯有朝有不朝者如第二章言念彼不蹟

則是不朝也如此言駢彼飛隼率彼中陵則是朝王

也 范氏曰凡為此詩者以讒言其興也 東萊曰

前章言諸侯之不服者可憂如是則其服從者保持

之尤不可不力也當諸侯向背未定之際有恪守侯
度如中陵之隼者夫豈易得民之訛言乃欲誣污之
寧可不深懲痛治以保持之乎若不懲之則諸侯皆
不自堅各相語曰我友其敬戒矣讒言其將興矣雖
為諸侯相語之辭實則規宣王當屏絕讒慝使忠順
者安意肆志而無所懼也讒人在朝乃諸侯疑畏之
本故於卒章明言之

沔水三章二章章八句一章六句

鶴鳴誨宣王也

董氏曰此詩某師傳所作與

鶴鳴于九臯聲聞

音于

野魚潛淵或在于渚樂

音洛

彼之園爰有樹檀

音壇

其下

維穠

音托

他山之石可以為錯

反

洛

陸氏草木疏曰鶴其鳴高亮聞八九里

鄭氏曰臯

澤中水溢出所為坎自外數至九喻深遠也 范氏

曰檀木之堅者也是美木也

呂氏曰落桑穢雜

毛氏

曰落穢也

釋文曰錯厲石也

說文錯作厝引詩曰他山之石可以為錯

李

氏曰鶴鳴二章殊無一句序已意其詩最為難曉

毛氏

曰鶴鳴于九臯聲聞于野言身隱而名著也良魚在淵小魚在渚何樂於彼園之觀乎尚有樹檀而下其蔭他山之石可以為錯石可以琢玉舉賢用滯則可以治國

東萊曰此詩既不

見所指諸家雖互有所長然未必得詩人之意也今存其訓故以待知者毛氏最在衆說之先恐其傳有自亦附注焉

鶴鳴于九臯聲聞于天魚在于渚或潛在淵樂彼之園爰有樹檀其下維穀他山之石可以攻玉

毛氏曰穀惡木也

陸璣疏云荆楊人謂之穀中州人謂之楮今江南人績其皮以為布

又講以
為紙


攻錯也

釋文曰穀說文云從木穀聲非從

禾也

鶴鳴二章章九句

彤弓之什十篇四十章二百五十五句



呂氏家塾讀詩記卷十九